



170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

了翁上座請大藏及有  
家書置之武州紫雲山  
我微矣塔院丘中永  
為學者不敢許出院內  
當山二世鐵牛機謹誌



B 64853

了翁上座請大藏及有  
家書置之武州紫雲山  
我微矣塔院丘中永  
為學者不敢許出院內  
當山二世鐵牛機謹誌

妙灑蓮華經解卷第二之三

溫陵開元蓮寺比丘戒環解

妙灑蓮華經信解品第四

△二中根領悟二 初分叙科義

信解者因聞喻說以信得入悟解灑要也前汰說一周身子於喻品之初領悟佛於喻品述成與記喻說一周四大弟子於此品領悟佛於藥草品述成授記品與記然大迦葉爲上首弟子而領悟後於身子者此經融會二智身子當機故先領悟也諸大弟子皆內祕外現根非中下悟無先後爲助

C40-45 14

170 1 2 3 4 5 6 7 8 9 100 1 2 3 4 5 6 7 8 9 100 1 2 3 4 5 6 7 8 9

揚法化故次第敷陳也

△二依文釋義五 一聞法喜踊

爾時慧命須菩提摩訶迦旃延摩訶迦葉摩訶目犍連從佛所聞未曾有法世尊授舍利弗阿耨多羅三藐三菩提記發希有心歡喜踊躍

須菩提名德高眾故稱長老或曰具壽或曰慧命戒經云是人佛法中能得智慧命是也合先列大迦葉而先須菩提者亦當機故也須菩提解空第一而聲聞但念偏空於菩薩法心不喜樂今乃捨空法證實道故以解空人表叙至下說偈卽當迦

葉及授記亦先迦葉乃正序也

△二叙信解情二 一叙昔失

卽從座起整衣服偏袒右肩右膝著地一心合掌曲躬恭敬瞻仰尊顏而白佛言我等居僧之首年並朽邁自謂已得涅槃無所堪任不復進求阿耨多羅三藐三菩提

偏右肉袒示降志尊灑右膝虔跪示屈節致欽也袒跪不唯西竺之禮此方春秋鄭伯肉袒降楚示爲臣僕及禱則跪鑪祭則跪奠皆致欽也白佛已下叙其早耽小乘晚聞大道之意此總標下自釋

世尊往昔說法既久我時在座身體疲憊但念空無相無作於菩薩汰遊戲神通淨佛國土成就衆生心不喜樂

說法既久指四十年說小教時也以疲憊故但念小乘空法不復求進也空無相無作卽小乘三解脫門也智者謂依四諦以觀諸法無我我所名空以空故萬法一異等相實不可得名無相知一切法無相不可得卽於三界無所願求不復造作三有生死之業名無作亦名無願由是離諸苦縛而得解脫然此特小法不足念也菩薩汰卽大乘汰

也遊戲神通等卽大乘行也彼唯樂小沈空趣寂故於大沈大行心不喜樂

所以者何世尊令我等出於三界得涅槃證又今我等年已朽邁於佛教化菩薩阿耨多羅三藐三菩提不生一念好樂之心釋上之失爲滯小故

△二慶今得

我等今於佛前聞授聲聞阿耨多羅三藐三菩提記心甚歡喜得未曾有不謂於今忽然得聞希有之汰深自慶幸獲大善利無量珍寶不求自得

170 1 2 3 4 5 6 7 8 9 10 11 12 13 14 15 16 17 18 19 20 21 22 23 24 25 26 27 28 29 30 31 32 33 34 35 36 37 38 39 40 41 42 43 44 45 46 47 48 49 50 51 52 53 54 55 56 57 58 59 60 61 62 63 64 65 66 67 68 69 70 71 72 73 74 75 76 77 78 79 80 81 82 83 84 85 86 87 88 89 90 91 92 93 94 95 96 97 98 99

△三說喻自慶二 一喻昔失四 一喻迷淪

世尊我等今者樂說譬喻以明斯義譬若有人年既幼稚捨父逃逝久住他國或十二十至五十歲年既長大加復窮困馳騁四方以求衣食漸漸遊行遇向本國

幼稚譬顓蒙無知捨父譬棄背本覺他國譬淪滯五道故曰至五十歲或十二十譬次第而淪也年長窮困四方求食譬困五道歷四生以自活命漸向本國譬因遇佛教遂能反省然方向之未能至也

其父先來求子不得中止一城其家大富財寶無量金銀琉璃珊瑚琥珀頗梨珠等其諸倉庫悉皆盈溢多有僮僕臣佐吏民象馬車乘牛羊無數出入息利乃徧他國商估賈客亦甚衆多

其父譬覺皇也先求不得譬昔曾教化後還退墮也中止一城譬卒嚴汰菩提場其家大富財寶諸珍譬道場所得法具無量功德也倉盈汰喜之食庫溢諸汰之財僮僕所以自奉臣佐所以治民譬自利利他事也象馬牛羊以譬五乘敎授滋息廣被大千故曰出入息利乃徧他國由是羣生成求

汰利故曰商賈衆多總譬出興利澤也商以遷有資無賈以覆藏待價商估猶商人也時貧窮子遊諸聚落經歷國邑遂到其父所止之城窮子譬困於五道乏功德財聚落荒淺譬小乘權教國邑盛麗譬中乘漸教其父所止譬大乘正教意謂在昔迷淪因教漸引遂入正道也

父每念子與子離別五十餘年而未曾向人說如此事但自思惟心懷悔恨自念老朽多有財物金銀珍寶倉庫盈溢無有子息一旦終歿財物散失無所委付是以殷勤每憶其子復作是念我若得子委付財物坦然快樂無復憂慮

父每念子等者譬佛念二乘之子久淪五道性習昏淺未堪說大也思惟悔恨者悔昔之教未深恨今之機退大也自念老朽等者憂其無以續佛慧命也

△二喻樂小

世尊爾時窮子傭賃展轉遇到父舍住立門側爲人之用曰傭任力取利曰賃城譬乍入舍譬深入謂資藉權乘積漸深造也然傭賃而作徒取小利功非已有譬資藉權教終無實證也到舍而住

170 1 2 3 4 5 6 7 8 9 100 1 2 3 4 5 6 7 8 9 100 1 2 3 4 5 6 7 8 9 100

立門側譬雖值佛道不能正入猶依偏空而止爲樂小故

△三喻怯頓

遙見其父踞師子床寶几承足諸婆羅門刹利居士皆恭敬圍繞以珍珠瓔珞價直千萬莊嚴其身吏民僮僕手執白拂侍立左右覆以寶帳垂諸華幡香水洒地散衆名華羅列寶物出內取與有如是等種種嚴飾威德特尊窮子見父有大力勢卽懷恐怖悔來至此竊作是念此或是王或是王等非我傭力得物之處不如往至貧里肆力有地衣食易得若久住此或見逼迫強使我作是念已疾走而去  
譬二乘初聞佛果萬德種智之事而迷小怖大也遙見其父譬未能親證踞師子床者表無畏之德也寶几承足者尊萬行之本也萬行本真而能浹俗故刹利居士皆悉圍繞二乘不能浹俗矣因萬行以成萬德故以真珠瓔珞莊嚴其身二乘無此莊嚴矣吏所以治民所以役僮任輕僕任重譬一乘法中所治所役輕重纖悉之法無不備者所謂治世語言資生業等皆順正法但以不染不偏爲尚故執白拂侍左右蓋拂能去塵白言不染左右

170 1 2 3 4 5 6 7 8 9 10 11 12 13 14 15 16 17 18 19 20

表拂去空假之塵而歸中道也寶帳譬慈悲廣被故言覆華幡譬如眾善下化故言垂水譬如華智華譬如香水洒地者以妙智淨眾生心地也散眾名華者以妙因嚴眾生心地也羅列寶物所以示其玩好出內取與所以隨其欲樂譬如成就大根而誘進小乘也上皆萬德種智之事自窮子見父已下卽迷小怖大之事王謂國王王等謂王之族譬如法報二身也貧居里巷譬如二乘小道肆力有地譬如進修有方非得物處譬如大法難證衣食易得譬如小果易求或見逼迫譬如慮佛道長遠久受勤苦內音納或出或納也

時富長者於師子座見子便識心大歡喜卽作是念我財物庫藏今有所付我常思念此子無由見之而忽自來甚適我願我雖年朽猶故貪惜卽遣傍人急追將還

見子便識譬如昔緣已熟財物有付譬如法有所授我雖年朽猶故貪惜譬如曠劫所修不妄與也遣人急追譬如令菩薩爲說頓法卽華嚴五位法門皆菩薩所說

爾時使者疾走往捉窮子驚愕稱怨大喚我不相犯

170 1 2 3 4 5 6 7 8 9 180 1 2 3 4 5 6 7 8 9 150 1 2 3 4 5 6 7 8 9

何爲見捉使者執之逾急強牽將還于時窮子自念無罪而被囚執此必定死轉更惶怖悶絕躰地

父命追子實欲親之而子驚悶絕乃自弃也辭二

乘初聞華嚴慄其頓說蓋頓教以煩惱卽菩提而二乘以煩惱爲冤賊故稱怨也頓以生死卽涅槃而二乘以生死爲苦縛故大喚不犯而被捉譬不求而強化急執而强牽譬不從而強率也菩薩示生三界而二乘以三界爲牢獄故云無罪被囚菩薩出入塵勞而二乘恐喪定果故云此必定死由是如聾若啞悶然不解故曰轉更惶怖悶絕躰地父遙見之而語使言不須此人勿強將來以冷水洒面令得醒寤莫復與語見其驚急悶絕令姑息之譬捨頓開權也冷水能蘇悶絕譬權敎能治煩惱所以者何父知其子志意下劣自知豪貴爲子所難審知是子而以方便不語他人云是我子使者語之我今放汝隨意所趣窮子歡喜得未曾有從地而起往至貧里以求衣食

辭知其志劣難堪大乘故權息之也不云我子未卽顯實也使者放之譬捨頓也隨意所趣譬開權

170 1 2 3 4 5 6 7 8 9 10 11 12 3 4 5 6 7 8 9 10 11 12 3 4 5 6 7 8 9

也從地而起卽從迷而覺也往至貧里以求衣食  
卽依二乘貧所樂汰爲入道資糧也

△四喻滯權

爾時長者將欲誘引其子而設方便密遣二人形色  
憔悴無威德者汝可詣彼徐語窮子此有作處倍與  
汝直窮子若許將來使作若言欲何所作便可語之  
雇汝除糞我等二人亦共汝作時二使人卽求窮子  
旣已得之具陳上事

先叙設權也密遣二人者使祕菩薩行者示二乘  
汰也形色憔悴卽所謂隱其自在之力倍與汝直  
譬因樂小而示近果也雇汝除糞卽所謂以貧所  
樂汰度之除糞譬斷煩惱煩惱惑業糞穢心地二  
乘作諸觀以除之菩薩煩惱涅槃不相留礙而云  
亦共汝作者以同事攝也具陳上事譬順佛揚化  
爾時窮子先取其價尋與除糞其父見子愍而怪之  
又以他日於廁牖中遙見子身羸瘦憔悴糞土塵坌  
汚穢不淨卽脫纓珞細軟上服嚴飾之具更著麤弊  
垢膩之衣塵土全身右手執持除糞之器狀有所畏  
語諸作人汝等勤作勿得懈息以方便故得近其子  
先取其價譬樂小慕果然後修因所以四諦汰中

先果後因也其父愍怪怪其藥小棄大也又以他  
日於窓牕中等譬又多設方便循其小見潛施密  
化使令慕大也瘦憊塵坌辭就乘伏斷煩惱不得  
其要誠爲煩惱所擾也左逆右順右手執器辟順  
方便道而誘之

後復告言咄男子汝常此作勿復餘去當加汝價諸  
有所須盆器米麵鹽醋之屬莫自疑難亦有老弊使  
人須者相給好自安意我如汝父勿復憂慮

方便叱省而親厚之使安而無怯也當加汝價譬  
自預流而進四果盆器辟助道等法米麵譬資糧  
等添鹽醋所以和味使於諸添均調適中也老弊  
使人辟二乘已陳之添如所謂已陳芻狗也  
所以者何我年老大而汝少壯汝常作時無有欺怠  
瞋恨怨言都不見汝有此諸惡如餘作人自今已後  
如所生子卽時長者更與作字名之爲兒

貶已衰老衰子心力辭斥大褒小權進其功言自  
今如子等者益親厚而進之也兒憐愛之稱更與  
作字辟改預流而進後果上皆譬設權  
爾時窮子雖欣此遇猶故自謂客作賤人由是之故  
於二十年中常令除糞

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9 200

正譬滯權也謂雖欣佛化而志尚卑劣故且令於二乘灑中斷除十使煩惱之糞也

過是已後心相體信入出無難然其所止猶在本處窮子過二十年久漸親父而猶住門側辭依二乘教斷結之後聞方等教揚大而不謗斥小而不疑是謂心相體信也進可語大退不滯小是謂入出無難也猶在本處譬未能頓入  
世尊爾時長者有疾自知將死不久語窮子言我今多有金銀珍寶倉庫盈溢其中多少所應取與汝悉知之我心如是當體此意

譬爲說般若漸引入實也長者有疾譬方等之後名相未遣人多汰執之病佛亦病之將死而語寶藏辟化緣將畢故說般若爲汰華先導如方語之寶藏未卽付也般若敎中六度萬行具備故譬倉庫盈溢然未爲圓敎故其中寶物又有多少或取以自利或與以利他聖人之用心如是宜當體汰此令轉敎菩薩之譬也大般若告須菩提云汝當爲菩薩說般若下文云我等又因如來智慧爲諸菩薩開演卽轉敎事

所以者何今我與汝便爲不異宜加用心無令漏失

170 1 2 3 4 5 6 7 8 9 10 11 12 13 14 15 16 17 18 19 20

撰述

卷之三

七

明光

和同父子之情使無疑間而欣領寶藏也我汝不異等譬般若之理一切皆如無二無別是入圓頓之門故宜加用心

爾時窮子卽受教敕領知衆物金銀珍寶及諸庫藏而無希取一食之意然其所止故在本處下劣之心亦未能捨

旣領寶藏而略不希取譬受勅以大乘轉教而自於此無有志願也下劣之心亦未能捨辭但念空無相無作而已上總喻告失

△二喻今得

復經少時父知子意漸已通泰成就大志自鄙先心臨欲終時而命其子并會親族國王大臣刹利居士皆悉已集卽自宣言諸君當知此是我子我之所生於某城中捨吾逃走踰躋辛苦五十餘年其本字某我名某甲昔在本城懷憂推覓忽於此間遇會得之此實我子我實其父今我所有一切財物皆是子有先所出內是子所知

子志旣大父乃聚族始定父子全付家業也復經少時等譬般若之後大機已熟可一變而至道也自鄙先心譬捨小趣大臨欲終時命子會族如化

170 1 2 3 4 5 6 7 8 9 10 1 2 3 4 5 6 7 8 9 10 1 2 3 4 5 6 7 8 9 10 1 2 3 4 5 6 7 8 9 10

城云如來自知涅槃時到便集菩薩聲聞爲說是  
經則聲聞爲子菩薩爲族也聚族宣言此是我子  
卽於天人衆中說我昔曾化故生我浹中之辭也  
於某城中捨吾等者自昔之後汝今悉忘之辭也  
蓋彼時根性未定後還退墮流浪五道故曰玲嫃  
辛苦五十餘年其本字某等者指本名字以證父  
子之的也其本字某卽化城云爾時所化之衆汝  
等比丘聲聞弟子是也我名某甲卽第十六我釋  
迦是也本城推覓此間遇會辭昔依本性闡化至  
此頓門乃適然契合也此實我子等結上的證全  
付家業辭授記作佛紹添主位也我有財物皆是  
子有者此一大事人人本具不從外得也先所出  
納是子所知者卽平常運用見聞之添非今別有  
也自我求之本始之覺真父子德性之用真寶藏  
生而固有誰獨且無柰何自失於背馳自迷於外  
物故佛慈憂慮急使追復倘能心相體信斯可遇  
會得之曾無難者彼且驚愕而失已稱怨以疑佛  
設非真慈多方善誘終則玲嫃窮困於四生五道  
可爲長歎矣

世尊是時窮子聞父此言卽大歡喜得未曾有而作

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9 200

是念我本無心有所希求今此寶藏自然而至  
結喻今得也

△四通合前喻二 一合昔失三 一合辭本  
世尊大富長者則是如來我等皆似佛子如來常說  
我等爲子

須菩提真佛子爲合辭故言似

△二合迷淪樂小

世尊我等以三苦故於生死中受諸熱惱迷惑無知  
樂著小汰

三苦者一苦苦若根若境乖違逼迫生老病死諸  
現苦相二壞苦因樂變異生諸憂惱所謂樂未畢  
哀又繼之卽愛別離求不得之類三行苦卽念念  
遷謝之相五趣蘊苦皆行苦攝

△三合怯頓滯權

今日世尊令我等思惟蠲除諸汰戲論之糞我等於  
中勤加精進得至涅槃一日之價既得此已心大歡  
喜自以爲足便自謂言於佛汰中勤精進故所得弘  
多然世尊先知我等心著弊欲樂於小汰便見縱捨  
不爲分別汝等當有如來知見寶藏之分

叙滯權也云今日者對多生言謂多生樂小而今

170 1 2 3 4 5 6 7 8 9 10

2

3

4 5 6 7 8 9 10

猶濡滯也於一切法妄起惑染顛倒分別種種戲論糞污心地名戲論糞一日之價辭小果之利所獲不多

世尊以方便力說如來智慧我等從佛得涅槃一日之價以爲大得於此大乘無有志求

說如來智慧卽般若教

我等又因如來智慧爲諸菩薩開示演說而自於此無有志願所以者何佛知我等心樂小法以方便力隨我等說而我等不知真是佛子

此以般若轉教菩薩而自不希求也

△二合今得

今我等方知世尊於佛智慧無所憊惜所以者何我等昔來真是佛子而但樂小法若我等有樂大之心佛則爲我說大乘法

今得法華始知般若之時已欲全付但以樂小自迷若我樂大則全付久矣

於此經中唯說一乘而昔於菩薩前毀訾聲聞樂小法者然佛實以大乘教化

觀今說一視昔彈偏足知佛心本以大化

是故我等說本無心有所希求今法王大寶自然而

170 1 2 3 4 5 6 7 8 9 100 1 2 3 4 5 6 7 8 9 150 1 2 3 4 5 6 7 8 9 150 1 2 3 4 5 6 7 8 9 150

至如佛子所應得者皆已得之

結慶今得也佛子所應得者一乘修證之法也

△五重頌前義五

初頌聞法喜踊

爾時摩訶迦葉欲重宣此義而說偈言

我等今日

聞佛音教歡喜踊躍

得未曾有

△二頌敘信解情

佛說聲聞當得作佛

無上寶歎

不求自得

△三頌說喻二一喻昔失四一頌迷淪

辟如童子幼稚無識捨父逃逝

遠到他土周流諸國五十餘年

其父憂念四方推求

辟困五道歷四生

求之既疲頓止一城造立舍宅

五欲自娛其家巨富多諸金銀

瓊瑤瑪瑙真珠瑠璃象馬牛羊

輦輶車乘田業僮僕人民衆多

出入息利乃徧他國商估賈人

無處不有千萬億衆圍繞恭敬

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9 200

常爲王者之所愛念 羣臣豪族  
皆共宗重 以諸緣故 往來者眾  
豪富如是 有大力勢 而年朽邁  
益憂念子 凤夜惟念 死時將至  
癡子捨我 五十餘年 庫藏諸物  
當如之何

頌救迷事也一城辟覺場舍宅辟慈悲五欲辟汰  
樂家富衆寶等辟道場所得汰具無量功德益憂  
念子等辟化緣將畢汰藏未傳憂其無續佛慧命  
也

△二頌樂小

爾時窮子 求索衣食 從邑至邑  
從國至國 或有所得 或無所得  
饑餓羸瘦 體生瘡癬 漸次經歷  
到父住城 傭賃展轉 遂至父舍  
從邑至國辟緣循諸教漸入正道也汰力未強故  
或得不得汰喜未克故饑餓羸瘦體生瘡癬者未  
能善入佛慧而反傷本自無瘡之身也傭賃展轉  
遂至父舍辭資藉權教積漸深入

△三頌怯頓

爾時長者	於其門內	施大寶帳
處師子座	眷屬圍繞	諸人侍衛
或有計算	金銀寶物	出內財產
注記券疏		
於門內施設諸事欲引令入也券以出納財物疏 以疏明事件注而記之辟爲大根度量功德疏明 行位而與授記誘進小乘也		
窮子見父	豪貴尊嚴	謂是國王
若國王等	驚怖自怪	何故至此
怖惣報事非已智分		
覆自念言	我若久住	或見逼迫
強驅使作	思惟是已	馳走而去
借問貧里	欲往傭作	
懼長遠道思取小果		
長者是時	在師子座	遙見其子
嘿而識之	卽敕使者	追捉將來
窮子驚喚	迷悶躰地	是人執我
必當見殺	何用衣食	使我至此
辭怯華嚴頓說也怖煩惱冤故驚畏生死縛故喚 悶然不解故云躰地恐喪道果故疑見殺		

△四頌滯權

長者知子 愚癡狹劣 不信我言

不信是父 卽以方便 更遣餘人

眇目矬陋 無威德者 汝可語之

云當相雇 除諸糞穢 倍與汝價

譬捨頓開權也 眇少一目譬二乘偏見也 矮短醜陋皆隱勝現劣事

窮子聞之 歡喜隨來 爲除糞穢

淨諸房舍

譬樂小滯權也 房譬六入舍譬五陰

長者於牀 常見其子 念子愚劣

樂爲鄙事 於是長者 著弊垢衣

執除糞器

往到子所

方便附近

語令勤作

循其小見 隱勝現劣多方誘進

既益汝價 幷塗足油 飲食充足

薦席厚暖

如是苦言

汝當勤作

又以軟語

若如我子

益親厚而誘之也 既益汝價席增進四果塗足油  
傭人用之使足不龜辭護戒定助道之法薦席辟

小乘諸定姑息之法若一乘大定之法則辭繪纊  
細禪非薦席比矣

長者有智 漸令入出 經二十年

執作家事 示其金銀 真珠玻瓈

諸物出入 皆使令知 猶處門外

止宿草菴 自念貧事 我無此物

心雖漸大猶滯權也漸令入出輸入大出小經二  
十年踰歷二乘法示其金銀喻說般若也父於門  
內施寶帳而引之子處門外止草菴而不入喻大  
小乘人相戾如此是以性相相忌禪律相非古今

不息何當一定父子全保家業而兩忘同異者耶  
上總頌昔矢

△二頌喻今得

父知子心 漸以曠大 欲與財物

卽聚親族 國王大臣 利利居士

於此大眾 說是我子 捨我他行

經五十歲 自見子來 已二十年

昔於某城 而失是子 周行求索

遂來至此 凡我所有 舍宅人民

悉已付之 恣其所用 子念昔貧

志意下劣 今於父所 大獲珍寶  
并及舍宅 一切財物 甚大歡喜  
得未曾有

歷頌昔失以慶今得

△四頌通合二 一頌合昔失二 初頌合樂小  
佛亦如是 知我樂小 未曾說言

汝等作佛

而說我等

得諸無

成就小乘

聲聞弟子

佛亦如是者如長者知子愚劣未認爲子也而說  
我等等者且進以小果使成就也

△二頌合滯權

佛勅我等

說竄上道

修習此者

當得成佛

我承佛教

爲大菩薩

以諸因緣

種種譬喻

若干言辭

說無上道

諸佛子等

從我聞法

日夜思惟

精勤修習

是時諸佛

卽授其記

汝於來世

當得作佛

一切諸佛

祕藏之法

但爲菩薩

演其實事

而不爲我

說斯真要

如彼窮子

得近其父

雖知諸物

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9 200

心不希瓦 我等雖說 佛汰寶藏

自無志願 亦復如是

佛勅我等至說無上道頌爲說般若令轉教也諸  
佛子等至當得作佛謂轉教之衆各獲大利也一  
切諸佛至說斯真要慨雖聞般若自不希求如彼  
窮子云云皆爲滯權故迷實也此後翻牒前文廣  
叙滯權之意

我等內滅 自謂爲足 唯了此事

更無餘事 我等若聞 淨佛國土

教化衆生 都無欣樂 所以者何

一切諸法 皆悉空寂 無生無滅

無大無小 無漏無爲 如是思惟

不生喜樂

此牒品初自謂已得涅槃不復求進菩提於菩薩  
法心不喜樂等文謂滯權之故獨以內滅煩惱取  
小果爲足而以淨佛土化衆生之事爲外所以者  
何等牒但念空無相無作之文以釋都無欣樂之  
意

我等長夜 於佛智慧 無貪無著

無復志願 而自於法 謂是究竟

此牒聞般若無有志求

我等長夜 修習空法 得脫三界

苦惱之患 住寂後身 有餘涅槃

佛教化 得道不虛 則爲已得

報佛之恩

此牒勤加精進得至涅槃一日之價自以爲足之意凡以迷滯冥然莫曉故屢稱長夜以出三界證小果爲已得道爲已報佛皆迷滯也

我等雖爲 諸佛子等 說菩薩法

以求佛道 而於是法 永無願樂

導師見捨 觀我心故 初不勸進

說有實利 如富長者 知子志劣

以方便力 柔伏其心 然後乃付

一切財物 佛亦如是 現希有事

知樂小者 以方便力 調伏其心

乃教大智

此牒轉教菩薩自無志願而佛亦縱捨之意明佛之縱捨蓋欲調伏俟其迴心乃教大智如富長者云云乃雙牒汰渝總結滯權也所以重重翻牒者二乘曠劫爲樂小之心誤甚今旣造大乃知深悔

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

故歷陳昔失而反覆言之以攄所懷如人憤劇必厲聲疾詬而後快然則文似繁重實有深意也

△二頌合今得

我等今日 得未曾有 非先所望

而今自得 如彼窮子 得無量寶

世尊我今 得道得果 於無漏汰

得清淨眼 我等長夜 持佛淨戒

始於今日 得其果報 汰王汰中

久修梵行 今得無漏 無上大果

我等今者 真是聲聞 以佛道聲

令一切聞 我等今者 真阿羅漢

於諸世間 天人魔梵 普於其中

應受供養

慶今始得真實道果知昔所得皆非真也所謂得道得果者於無漏汰得清淨眼是也無漏汰者諸汰實相上妙汰也清淨眼者諸佛知見正汰眼也昔持淨戒雖得果報非真道果特冥行爾故曰長夜持戒始於今日得其果報昔修梵行雖得小果非真無漏特權息爾故曰久修梵行今得無漏無上大果夫然後乃可振揚道聲爲真聲聞乃可普

受應供爲真羅漢斯皆調伏誘進之大恩也故下頌大恩而念報

△五念報佛恩三 初念報不能

世尊大恩

以希有事

憐愍教化

利益我等

無量億劫

誰能報者

手足供給

頭頂禮敬

一切供養

皆不能報

若以頂戴

兩肩荷負

於恒沙劫

盡心恭敬

又以羨饍

無量寶衣

及諸臥具

種種湯藥

牛頭旃檀

及諸珍寶

以起塔廟

寶衣布地

如斯等事

以用供養

於恒沙劫

亦不能報

以希有事方便憐教是謂大恩前修空汰證小果自謂已得報佛之恩既不足報此又欲窮手足肩項之內財極美饍衣寶之外財思以長劫供養亦不能報何以故內外諸財皆有爲汰不與大恩相應故

△二感慈悲恩

諸佛希有

無量無邊

不可思議

大神通力

無漏無爲

諸汰之王

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

能爲下劣 忍於斯事 取相凡夫

隨宜而說

諸佛希有至諸法之王讚盛德之至也能爲下劣  
至隨宜而說感慈悲之深也以盛德之至而曲爲  
劣輩忍斯本事以徇取相凡夫隨宜而說所謂隱  
無量自在之力乃以貧所樂法度脫衆生是希有  
重德慈悲大恩誠不可報也

△三感方便恩

諸佛於法

得最自在

知諸衆生

種種欲樂

及其志力

隨所堪任

以無量喻

而爲說法

隨諸衆生

宿世善根

又知成熟

未成熟者

種種籌量

分別知已

於一乘道

隨宜說三

諸佛於灑得竄自在讚方便之德也知諸衆生至  
而爲說灑讚方便之力也隨諸衆生至隨宜說三  
感方便之恩也世尊大恩凡本於慈悲方便二行  
故上陳諸事既不能報終則深感之而已

妙灑蓮華經解卷第二之三

音切

邇莫介全蒲頓顥諸緣擗丑於

吳江沈令名施貴刻此  
妙法蓮華經解卷第二之三 是明沙彌真子對  
真州趙之昂書 漂水毛有光刻  
萬曆庚寅秋五臺山妙德菴識

妙灑蓮華經解卷第三之一

溫陵開元蓮寺比丘戒環解

妙灑蓮華經藥草喻品第五

△三如來述成二 初科分叙義

此品爲中根述成領悟之意也大迦葉等前雖領隨宜之權會歸之實而未明一音密闡真知冥化之功如彼大雲雨於一切草木叢林隨分受潤故佛以此喻重與述成以顯聖人平等之慈若天地之無私由萬物之自私也故名藥草喻品三乘根性譬諸草木覺皇道化等如一雨雨雖一味而種

170 1 2 3 4 5 6 7 8 9 180 1 2 3 4 5 6 7 8 9 150 1 2 3 4 5 6 7 8 9 120

有差別故根莖大小之不同灑雖一相而機有利  
鈍故道果證趣之各異此慈無不等而萬物自私  
也草能治病名藥草以喻人天善種三乘智因能  
遠害滅惡者若四趣惡種生死業因則徒爲蕪穢  
非藥草矣此譬二乘文兼樹木獨以藥草名品者  
爲中根述成取當機立名耳偈云聲聞緣覺聞灑  
得果是名藥草各得增長是也若諸菩薩是名大  
樹非當機矣

△二依文正釋六 一述成前義

爾時世尊告摩訶迦葉及諸大弟子善哉善哉迦葉  
善說如來真實功德誠如所言

迦葉領悟喻說卽設大富長者之喻歎佛隱勝現  
劣誘諸庸鄙使得大汰利又於偈末感歎慈悲方  
便之大恩是善說如來真實功德

△二示所未及二 初標不盡

如來復有無量無邊阿僧祇功德汝等若於無量億  
劫說不能盡

此明一音密闡真知冥化平等之慈尤爲無量功  
德雖迦葉善說而言未及此故復示之也

△二釋所以二 初示一音密闡

迦葉當知如來是諸灑之王若有所說皆不虛也於一切灑以智方便而演說之其所說法皆悉到於一切智地

方便爲權智地爲實於一切法以方便說而皆到智地所謂密闡也到一切智地者契實相智境也

△二示真知冥化

如來觀知一切諸法之所歸趣亦知一切衆生深心所行通達無礙又於諸法究竟明了示諸衆生一切智慧

諸法歸趣卽一乘實相衆心所行卽三乘性欲佛

說一切灑爲度一切心不知法之歸趣難以度心不知心之所行難以說法今於二者通達無礙可謂真知冥化矣而又究明諸法以開示衆生一切智慧欲令悟入皆所謂無邊僧祇功德也

△三喻明所示四 一立譬之本

迦葉譬如三千大千世界山川谿谷土地所生卉木叢林及諸藥草種類若干名色各異不盡頃不指大千同爲一地而有山川溪谷之高下譬一眞境而有三界諸趣之別也卉木同生一地而有種類名色之各異譬如一法性而有三乘大小之辨也衆

草爲卉草之總名也卉有叢木有林

△二喻一音密闡

密雲彌布徧覆三千大千世界一時等澍其澤普洽  
雲喻慈意澤喻法雨言密雲者雲不密則不能等  
澍慈不密則不能廣利一雲所雨大千普洽譬一  
音密闡大小均被也

△三喻真知冥化

卉木叢林及諸藥草小根小莖小枝小葉中根中莖  
中枝中葉大根大莖大枝大葉諸樹大小隨上中下  
各有所受一雲所雨稱其種性而得生長花果敷實  
喻真知冥化物物自遂也根莖大小總辨草木以  
明根機有異諸樹大小總結草木以明一雨是同  
夫以一雲一雨而滋衆物稱其大小種性曾無天  
閼使爲花者較爲果者實各各自遂則佛之真知  
冥化若此而已木質曰幹草質曰莖皆依根而立  
根譬種性莖譬發心枝葉譬所薰教理華果譬所  
修行果謂三乘種性發心熏習之不同同是一音  
敎澤之被而各有所成也

△四喻作成不同

雖一地所生一雨所潤而諸草木各有差別

草木皆植類樹之一地同潤之一雨同而有大小  
之殊者根自異也羣生亦類也所賦一性所化一  
道而有三乘之殊者亦機自異耳

△四以法合喻四 一合立譬之本

迦葉當知如來亦復如是出現於世如大雲起以大  
音聲普偏世界天人阿修羅如彼大雲偏覆三千大  
千國土

明佛出興廣覆羣有雲起無心喻無緣慈也大音  
聲卽廣長舌相之音也天人修羅爲三善道不言  
三惡道爲障重非機也

△二合一音密闡

於大衆中而唱是言我是如來應供正徧知明行足  
善逝世間解無上士調御丈夫天人師佛世尊未度  
者令度未解者令解未安者令安未涅槃者令得涅  
槃

此叙佛初坐道場唱顯化跡宣度生事使知聖人  
出興之意也超證菩提曰度了達萬法曰解離衆  
結縛曰安究竟永寂曰涅槃

今世後世如實知之我是一切知者一切見者知道  
者開道者說道者汝等天人阿修羅衆皆應到此爲

聽法故

此示正知見欲廣開悟也今世後世如實知者以實相智了三世事如華嚴一念普觀無去來住也一切知一切見者以佛知見徹了諸法也知道者言已先知先覺也開道者能以是道開覺後人也說道者能以是道方便演說也如是唱者爲警羣機故召天人使令聽受

爾時無數千萬億種衆生來至佛所而聽法

因召而集也

△三合真知冥化

如來於時觀是衆生諸根利鈍精進懈怠隨其所堪而爲說法種種無量皆令歡喜快得善利所來之衆根性不同佛各隨其所堪而化之以堪人天者爲說十善堪二乘者爲說諦緣堪大乘者爲說六度以至定不定性人非人類各隨所堪而爲說法雖根有無量而皆令利喜是謂冥化

△四合作成不同

是諸衆生聞是法已現世安隱後生善處以道受樂亦得聞法既聞法已離諸障礙於諸法中任力所能漸得入道如彼大雲雨於一切卉木叢林及諸藥草

如其種性具足蒙潤各得生長

明作成之利也聞法安隱者衆生汨於塵勞二乘  
縛於空寂聞是法者足以滌塵勞解縛著釋然物  
外優遊一生此現世安隱也後生善處卽聞法之  
報以道受樂卽修道之果言以道者各隨其道受  
樂不同也修十善則受人天樂修諦緣卽受二乘  
樂修六度則受菩薩樂各以其道也離諸障礙者  
惡道離業障而之人天人天離事障而入二乘二  
乘離理障而入菩薩各遂其才也故曰於諸法中  
任力所能漸得入道如彼大雲雨於一切  
如來說法一相一味所謂解脫相離相滅相究竟至  
於一切種智其有衆生聞如來法若持讀誦如說修  
行所得功德不自覺知

疏闡化之功也謂如來說法方便雖多實則一相  
一味如一雲一雨而已解脫離滅者指一相一味  
之體也解脫相則不縛諸法離相則不合諸塵滅  
相則生死永盡而究竟皆至一切種智無上道也  
衆生聞持而所獲功利不自覺知者一音密闡真  
化冥運若天地之產百嘉雨露之滋衆卉自生自  
遂覩足以知之

110 123456789100 123456789110 123456789120

所以者何唯有如來知此衆生種相體性念何事思  
何事修何事云何念云何思云何修以何法念以何  
法思以何法修以何法得何法衆生住於種種之地  
唯有如來如實見之明了無礙如彼卉木叢林諸藥  
草等而不自知上中下性

此明觀根逗教不拂其性故物得自遂也三乘種  
類性欲不同故念思修得亦各不同唯如來能知  
能化而彼不自知也念何事等謂或念人天事乃  
至聲聞菩薩事也云何念等謂或正或邪有爲無  
爲也以何法念等謂或以大小頓漸或以定慧覺  
觀也以何法得謂或以四諦得聲聞法乃至或以  
六度得菩薩法也如是念思所住各各不同是謂  
住於種種之地如來皆能如實見之如此委曲言  
者明如來知根之詳也

△五結歎迦葉

如來知是一相一味之法所謂解脫相離相滅相究  
竟涅槃常寂滅相終歸於空佛知是已觀衆生心欲  
而將護之是故不卽爲說一切種智汝等迦葉甚爲  
希有能知如來隨宜說法能信能受所以者何諸佛  
世尊隨宜說法難解難知

牒前一相一味等文以明隨宜說法難解難知而  
歎迦葉能信受也一相一味等卽一切種智所證  
之法如來雖知而觀衆生性欲不同且將之護之  
不卽明說故甚難知而迦葉能信能受是謂希有  
此牒前文而前言究竟至於一切種智此言究竟  
涅槃常寂滅相者前依正智言此依實相言其揆  
一也終歸於空者自解脫離滅究竟至於常寂滅  
相則識心緣影一切蕩盡而歸乎實相妙空非斷  
空也

△六以偈重申七 初頌述成前義

爾時世尊欲重此義而說偈言

破有法王

出現世間

隨衆生欲

種種說法

此述成迦葉前讚諸佛於法得最自在知諸衆生  
種種欲樂隨爲說法之意也衆生失真沈妄而滯  
於無明生死諸有封蔀大覺出興爲說真法以破  
妄有以除障滯故號破有法王

△二頌示所未及

如來尊重

智慧深遠

久嘿斯要

不務速說

有智若聞

則能信解

無智疑悔

則爲永失

是故迦葉

隨力爲說

以種種緣

令得正見

須密闡冥化平等之慈也久嘿不說者所以待機  
也蓋有智則信無智則疑而永失大利故用以漸  
導之而隨力爲說令得正見此爲密闡等慈而迦  
葉言所未及

△三頌喻明四 初頌譬本

迦葉當知

譬如大雲

起於世間

遍覆一切

譬佛出興也

△二頌喻一音密闡

慧雲含潤

電光晃耀

雷聲遠震

令眾悅豫

日光掩蔽

地上清涼

釤鍵垂布

如可承攬

其雨普等

四方俱下

而不流澍無量

率土克洽

大雲將雨則電曜雷震譬如來出興放光說法慧  
雲含潤日光掩蔽者所謂慈意妙大雲滅除煩惱  
焰也雲陰釤然下逮與地親邇可以承攬譬慈意  
逮下俯同萬物也其雨普等譬法利均一四方俱  
下譬不擇四生率土克洽譬教被大千也

△三頌喻眞知冥化

山川險谷

幽邃所生

卉木藥草

大小諸樹

百穀苗稼

甘蔗蒲萄

雨之所潤

無不豐足

乾地普洽

藥木並茂

譬羣機不同而不失其應也前止言草木此加百  
穀等者草木譬三乘種性特爲入道之機未顯在  
風故加百穀等以譬有生纖悉皆蒙潤澤也乾地  
譬未霑法水者悉皆利潤故云普洽藥木者藥草  
樹木也

△四頌喻作成不同

其雲所出

一味之水

草木叢林

隨分受潤

一切諸樹

上中下等

稱其大小

各得生長

根莖枝葉

花果光色

一雨所及

皆得鮮澤

如其體相

性分大小

所潤是一

而各滋茂

△四頌法合四

初合譬本

佛亦如是

出現於世

譬如大雲

普覆一切

△二合一音密闡

既出於世 爲諸衆生 分別演說

諸法之實

雖方便多門而不離實相

大聖世尊

於諸天人

一切衆中

而宣是言

我爲如來

兩足之尊

出於世間

猶如大雲

克潤一切

枯稿衆生

皆令離苦

得安隱樂

世間之樂

及涅槃樂

頌唱顯化迹宣度生事也皆令離苦已下頌未度  
令度等由其得度以至於涅槃故離苦安隱而世  
出世樂無不得也

諸天人衆

一心善聽

皆應到此

觀無上尊

我爲世尊

無能及者

安隱衆生

故現於世

爲大衆說

甘露淨法

頌召集人天聽法也

其法一味

解脫涅槃

以一妙音

演揚斯義

常爲大乘

而作因緣

頌一相一味等文常爲大乘作緣者所謂究竟至

於一切種智

△三合真知冥化

我觀一切 普皆平等 無有彼此

愛憎之心 我無貪著 亦無限礙

恒爲一切 平等說法 如爲一人

衆多亦然 常演說法 曾無他事

去來坐立 終不疲厭 亥世間

如雨普潤 貴賤上下 持戒毀戒

威儀具足 及不具足 正見邪見

利根鈍根 等雨法雨 而無懈倦

此皆真知冥化平等之大慈也

△四合作成不同

一切衆生 聞我法者 隨力所受

住於諸地

諸地如下明始於人天終於十地

或處人天 轉輪聖王 釋梵諸王

是小藥草

人天乘也輪王王四天下帝釋王忉利天梵王王初禪天

知無漏法 能得涅槃 起六神通

及得三明

獨處山林

常行禪定

得緣覺證

是中藥草

聲聞乘也得無漏小果起六通三明乃聲聞緣覺之同行但於中利根則得緣覺證

求世尊處

我當作佛

行精進定

是上藥草

藏教菩薩也此依權乘修菩薩行雖求佛果勤行精進而未離小乘故爲上草

又諸佛子

專心佛道

常行慈悲

自知作佛

決定無疑

是名小樹

通教菩薩也此依方等教修菩薩行爲大乘初位以根雖大而蔭未廣故爲小樹

安住神通

轉不退輪

度無量億

百千衆生

如是菩薩

名爲大樹

圓教菩薩也此依一乘修菩薩行迥出三乘安住神通轉不退輪度億千衆則其蔭廣矣

佛平等說

如一味雨

隨衆生性

所受不同

如彼草木

所稟各異

結上作成不同明佛至化冥同造物

佛以此喻

方便開示

種種言辭

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

演說一法 於佛智慧 如海一滴  
指上喻說雖廣然於佛真智海中方明一滴之相  
耳此結顯如來阿僧祇功德說不能盡之意

△五明隨機增進

我雨法雨

充滿世間

一味之法

隨力修行

如彼叢林

藥草諸樹

隨其大小

漸增茂好

此明增進之利下明增進之機

諸佛之法

常以一味

令諸世間

普得具足

漸次修行

皆得道果

此總標下別明

聲聞緣覺

處於山林

住最後身

聞法得果

是名藥草

各得增長

此依二乘之法增進者覩後身者將證辟支佛果

不復人間受生也

若諸菩薩

智慧堅固

了達三界

求最上乘

是名小樹

而得增長

此依方等之法增進者

復有住禪

得神通力

聞諸法空

心大歡喜

放無數光

度諸衆生

是名大樹 而得生長  
此依大乘之法增進者

如是迦葉 佛所說法 譬如大雲  
以一味雨 潤於人華 各得成實  
總結增進隨機不同也人華謂善根秀發者因佛  
冥化各得成實

△六明諸佛道同

迦葉當知 以諸因緣 種種譬喻  
開示佛道 是我方便 諸佛亦然

密闡冥化佛佛道同

△七結前開後

今爲汝等 說最實事 諸聲聞衆  
皆非滅度 汝等所行 是菩薩道

漸漸修學 悉當成佛

總結前說立實廢權而開後與記之文說最實事  
卽立實也皆非滅度卽廢權也修行是道悉當成  
佛卽開後與記文也

妙法蓮華經授記品第六

△四中根得記二 初略敘科義

大迦葉等領悟喻說得佛正道當踐佛位故與說

來果名授記品法華一會乃羣機貞實所作已辦  
之時故正宗說示了無多事直則會三乘於一致  
開四見使悟入而一一授記印其成佛以示出興  
功成本願滿足之意耳然昔淨名嘗怪彌勒授一  
生記以正位中本無授記及得菩提而法華已入  
正位何滯迹耶抑有已故有記入正位者尚有已  
乎蓋正位中雖無授記亦不廢於授記若華嚴性  
海豈非正位而十住之初妙覺之終屢聞記莉如  
所謂清淨心所謂殊勝境界者曷嘗無哉淨名曰  
說法不有亦不無以因緣故諸法生無我無造無  
受者善惡之業亦不亾正證之人固無已也然善  
惡之業豈有已之可記豈無已之可忘哉若世之  
貧富貴賤修短苦樂昔作而今受前召而後應懸  
疎網而不漏淪浩劫而莫遺者其誰與記耶今所  
謂記者特以助明不亾之理而引發行人耳

△二正依釋文三

初迦葉得記

爾時世尊說是偈已告諸大眾唱如是言我此弟子  
摩訶迦葉於未來世當得奉觀三百萬億諸佛世尊  
供養恭敬尊重讚歎廣宣諸佛無量大法於最後身  
得成為佛名曰光明如來應供正徧知明行足善逝

170 1 2 3 4 5 6 7 8 9 10 11 12 3 4 5 6 7 8 9 10 11 12 3 4 5 6 7 8 9

世間解無上士調御丈夫天人師佛世尊國名光德  
劫名大莊嚴

諸授記文皆二十號之前爲因記後爲果記諸弟子觀佛多寡之不同各隨其願緣也事佛功用之不同各隨其才力也成佛果號之不同各隨其因行也大迦葉因地事日月燈佛至佛滅後然燈續明以紫光金塗佛形像又於法華妙性開明故號光明至於國名光德劫名莊嚴皆類其因行也佛壽十二小劫正法住世三十二小劫像法亦住二十二小劫

淨法界身本無出沒然於未來世而出住十二劫而沒者隨大悲願力而示現耳正像之法各二十二劫而後滅者隨衆生機感而隆替耳佛身法性固無加損於其間

國界嚴飾無諸穢惡瓦礫荆棘便利不淨其土平正無有高下坑坎堆阜琉璃爲地寶樹行列黃金爲繩以界道側散諸寶華周徧清淨

依報所感皆由心地瓦礫荆棘襍心感也便利不淨染心感也坑坎堆阜詣心感也諸佛無襍染詣心故國界嚴飾無諸穢惡唯修清淨妙行故其土

平正百寶周徧淨名曰隨其心淨則佛土淨隨其心淨則一切功德淨此其證矣

其國菩薩無量千億諸聲聞衆亦復無數無有魔事雖有魔及魔民皆護佛法

問釋尊成佛尚煩戇剪飲光何爲獨無魔事曰釋尊示化五濁正與衆魔共作勞侶若無魔事不名惡世飲光成佛當善國土故雖有魔皆護佛法爾時世尊欲重宣此義而說偈言

告諸比丘

我以佛眼

見是迦葉

於未來世

過無數劫

當得作佛

而於來世

供養奉覲

三百萬億

諸佛世尊

爲佛智慧

淨修梵行

供養最上

二足尊已

修習一切

無上之慧

於最後身

得成爲佛

其土清淨

琉璃爲地

多諸寶樹

行列道側

金繩界道

見者歡喜

常出好香

散衆名華

種種奇妙

以爲莊嚴

其地平正

無有丘坑

諸菩薩衆

不可稱計

其心調柔

逮大神通

奉持諸佛

大乘經典

諸聲聞衆 無漏後身 法王之子

亦不可計 乃以天眼 不能數知

其佛當壽 十二小劫 正法住世

二十小劫 像法亦住 二十小劫

光明世尊 其事如是

頌應長行可明其心調柔言慈悲之至也逮大神通言應化不測也逮及也大神通者不爲而應不慮而偏異於小聖也無漏後身卽聲聞果體法王之子卽大心聲聞也

△二三聖請記

爾時大目犍連須菩提摩訶迦旃延等皆悉悚懼一心合掌瞻仰尊顏目不轉捨卽共同聲而說偈言法說云千二百羅漢悉亦當作佛則與記已竟於此特授迦葉上首則三聖之記不言可諭而目連等心不自安如逢王饋未敢便食是以悚懼而請也

大雄猛世尊 諸釋之法王 哀愍我等故而賜佛音聲 若知我深心 見爲授記者如以甘露洒 除熱得清涼  
初四句讚謝法喻之賜其次請記求益也

如從饑國來 忽遇大王饍 心猶懷疑惧  
未敢即便食 若復得王教 然後乃敢食  
此設譬下自釋

我等亦如是 每惟小乘過 不知當云何  
得佛無上慧 雖聞佛音聲 言我等作佛  
心尚懷憂惧 如未敢便食 若蒙佛授記  
爾乃快安樂

每惟小乘過所謂如從饑國來也言我等作佛所  
謂忽遇大王饍也

大雄猛世尊 常欲安世間 願賜我等記  
如饑須飲食

結請也

△三三聖得記又三 一善吉得記

爾時世尊知諸大弟子心之所念告諸比丘是須善  
提於當來世奉觀三百萬億那由他佛供養恭敬尊  
重讚歎常修梵行具菩薩道於最後身得成爲佛號  
曰名相如來應供正徧知明行足善逝世間解無上  
士調御丈夫天人師佛世尊劫名有寶國名寶生

色心初破萬法皆空理事還源一切真實須菩提  
昔者解空無名無相色心初破也今證實果反號

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9 200

名相理事還源也。又其生時家物忽空今劫名有  
寶國名寶生亦其義也。那由他卽亥數  
其土平正頗梨爲地寶樹莊嚴無諸丘坑沙礫荆棘  
便利之穢寶華覆地周徧清淨其土人民皆處寶臺  
珍妙樓閣聲聞弟子無量無邊算數譬喻所不能知  
諸菩薩衆無數千萬億那由他佛壽十二小劫正法  
住世二十小劫像法亦住二十小劫其佛常處虛空  
爲衆說法度脫無量菩薩及聲聞衆

所舉十號明正報劫國莊嚴明依報華樹臺閣皆  
悉寶成應劫國之名也。其佛常處虛空說法者示  
因空悟解使由空證實也

爾時世尊欲重宣此義而說偈言

諸比丘衆	今告汝等	皆當一心
聽我所說	我大弟子	須菩提者
當得作佛	號曰各相	當供無數
萬億諸佛	隨佛所行	漸具大道
最後身得	三十二相	端正殊妙
猶如寶山	其佛國土	嚴淨第一
衆生見者	無不愛樂	佛於其中
度無量衆	其佛法中	多諸菩薩

皆悉利根

轉不退輪

彼國常以

菩薩莊嚴

諸聲聞衆

不可稱數

皆得三明

具六神通

住八解脫

有大威德

其佛說法

現於無量

神通變化

不可思議

諸天人民

數如恒沙

皆共合掌

聽受佛語

其佛當壽

十二小劫

正法住世

二十小劫

像法亦住

二十小劫

須菩提於靈山勝集居僧之首於般若大會解空第一其道德功行疑若亞聖而記果猶當供無數佛隨佛所行而漸具大道者爲小乘但念無相不修大行雖經多劫不成正覺故須發菩提大心具菩薩大道然後成佛也人民合掌聽受佛語言皆篤信樂善無薄俗也

△二旃延得記

時世尊復告諸比丘衆我今語汝是大迦旃延於當來世以諸供具供養奉事八十億佛恭敬尊重諸佛滅後各起塔廟高千由旬縱廣正等五百由旬以金銀瑣琉璃珠瑪瑙真珠玫瑰七寶合成眾華瓔珞塗香抹香燒香繪蓋幢幡供養塔廟過是已後當復

170 1 2 3 4 5 6 7 8 9 100 1 2 3 4 5 6 7 8 9 100

供養二萬億佛亦復如是供養是諸佛已具菩薩道當得作佛號曰閻浮那提金光如來應供正徧知明行足善逝世間解無上士調御丈夫天人師佛世尊其土平正頗梨爲地寶樹莊嚴黃金爲繩以界道側妙華覆地周徧清淨見者歡喜無四惡道地獄餓鬼畜生阿修羅道多有天人諸聲聞衆及諸菩薩無量萬億莊嚴其國佛壽十二小劫正法住世二十小劫像法亦住二十小劫爾時世尊欲重宣此義而說偈言

諸比丘衆皆一心聽如我所說

真實無異	是迦旃延	當以種種
妙好供具	供養諸佛	諸佛滅後
起七寶塔	亦以華香	供養舍利
其最後身	得佛智慧	成等正覺
國土清淨	度脫無量	萬億衆生
皆爲十方	之所供養	佛之光明
無能勝者	其佛號曰	閻浮金光
菩薩聲聞	斷一切有	無量無數
莊嚴其國		

閻浮那提金紫艷無比旃延果體金色如之由旗

延論義第一理性精瑩又緣過去勤掃佛地資成嚴淨之果也斷一切有者理極情忘纖塵不立言其證道精徹非謂捨有之無也

△三目連得記

爾時世尊復告大衆我今語汝是大目犍連當以種種供具供養八千諸佛恭敬尊重諸佛滅後各起塔廟高千由旬縱廣正等五百由旬以金銀琉璃瑠璃瑪瑙真珠玫瑰七寶合成衆華瓔珞塗香抹香燒香繒蓋幢幡以用供養過是已後當復供養二百萬億諸佛亦復如是當得成佛號曰多摩羅跋栴檀香如來應供正徧知明行足善逝世間鮮無上士調御丈夫天人師佛世尊劫名喜滿國名意樂其土平正頗梨爲地寶樹莊嚴散真珠華周徧清淨見者歡喜多諸天人菩薩聲聞其數無量佛壽二十四小劫正法住世四十小劫像法亦住四十小劫

多摩羅跋栴檀香清遠潛通目連神通第一果德如之西北方佛名多摩羅跋栴檀香神通則香喻神通明矣一由旬四十里目連供佛起塔高千由旬者神通所建故也諸因記行皆所以策進聲聞開廓大心令捨空寂廣修大行以成就佛道也

爾時世尊欲重宣此義而說偈言

我此弟子

大目犍連

捨是身已

得見八千

二百萬億

諸佛世尊

爲佛道故

供養恭敬

於諸佛所

常修梵行

於無量劫

奉持佛法

諸佛滅後

起七寶塔

長表金刹

華香伎樂

而以供養

諸佛塔廟

漸漸具足

菩薩道已

於意樂國

而得作佛

號多摩羅

栴檀之香

其佛壽命

二十四劫

常爲天人

演說佛道

聲聞無量

如恒河沙

三明六通

有大威德

菩薩無數

志固精進

於佛智慧

皆不退轉

佛滅度後

正法當住

四大小劫

像法亦爾

我諸弟子

威德具足

其數五百

皆當授記

於未來世

咸得成佛

我及汝等

宿世因緣

吾今當說

汝等善聽

長表金刹者刹具云掣多羅謂塔上覆鉢柱爲塔之表故名表刹以金爲之其塔高千由旬則表之

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9 200

長可知也目連記頌至像法亦爾之句已終從我  
諸弟子威德具足已下卽許五百記及開第三周  
說法之端

妙灑蓮華經解卷第三之一

音切

澍

之樹

步口

霰

徒載

颺

於代

戡

吉安比丘道昇施刻

戡

嘉興沙彌道悔對

戡

苦耽

玗

古哀

玗

切

刑部主事安福劉士瑗

吉安比丘道昇施刻

玗

嘉興沙彌道悔對

玗

苦耽

玗

古哀

玗

切

玗

對

真州趙之昂書

溧水毛詩榮刻

玗

萬曆庚寅冬五臺山妙德庵識

玗

玗

玗

玗

玗

玗

玗

玗

玗

玗

玗

玗

玗

玗

玗

妙灑蓮華經解卷第三之二

溫陵開元蓮寺比丘戒環解

妙灑蓮華經化城喻品第七

△三因緣說一周被下根二初略叙科義

化城本無而權設以濟伍修願息之人而進之令  
至寶所喻小果非實而權設以濟樂小求證之人  
而引之令入佛慧也謂之因緣說者由前喻說乃  
至藥草皆以法一而機異恐下根以爲終不可及  
遂生懈退於是明曩因曾化示今緣已熟勝果在  
近使無退墮而遂捨化城趨寶所也

△二依科釋文二 初正說因緣六 一標本始  
佛告諸比丘乃往過去無量無邊不可思議阿僧祇  
劫爾時有佛名大通智勝如來應供正徧知明行足  
善逝世間解無上士調御丈夫天人師佛世尊其國  
名好城劫名大相

大通智勝者一乘實智之果佛也其智之體囊括  
十處爲大徹照塵劫爲通物無與等爲勝以迹言  
之則釋迦因地之宗師以理推之則衆生本源之  
覺體也衆生覺體本來若此但爲自迷色心之內  
故小而不大封滯無明之殼故礙而不通潛伏妄  
識之陋故劣而不勝夫能了色心之迷滯破無明  
之封殼則勝智現前與佛無別矣言過無量不思  
議劫者明此智體其來無始非情塵數量所及也  
諸比丘彼佛滅度已來甚大久遠譬如三千大千世  
界所有地種

將明極多之地設此爲種以出生餘地

假使有人磨以爲墨過於東方千國土乃下一點大  
如微塵又過千國土復下一點如是展轉盡地種墨  
於汝等意云何是諸國土若算師若算師弟子能得  
邊際知其數不不也世尊

此舉極多之地

諸比丘是人所經國土若點不點盡抹爲塵一塵一劫

此數極多之劫

彼佛滅度已來復過是數無量無邊百千萬億阿僧祇劫

勝智無古無今未始滅度而彼佛滅度如是久遠者對下根迷情言之耳若吾輩者失滅勝智迷淪已來不知過若干劫耶誠不可以塵墨數也法說明所化之因但舉成佛已來而不言劫數喻說則舉二萬億佛教化之事至此則舉塵劫因緣其對上中下根明矣

我以如來知見力故觀彼久遠猶若今日

以衆生知見則迷淪妄計故智勝之佛隔塵墨劫以如來知見則古今一時故觀彼久遠猶若今日此又釋迦之大通也

爾時世尊欲重宣此義而說偈言

我念過去世 無量無邊劫 有佛兩足尊  
名大通智勝 如人以力磨 三千大千土  
盡此諸地種 皆悉以爲墨 過於千國土

乃下一塵點 如是展轉點 盡此諸塵墨  
如是諸國土 點與不點等 復盡抹爲塵  
一塵爲一劫 此諸微塵數 其劫復過是  
彼佛滅度來 如是無量劫 如來無礙智  
知彼佛滅度 及聲聞菩薩 如見今滅度  
諸比丘當知 佛智淨微妙 無漏無所礙  
通達無量劫

須大通本始及示釋迦宿智之明達也知彼佛滅度者所謂猶若今日也及聲聞菩薩如見今滅度者亦知彼衆滅度之事如今見也佛智淨微妙通達無量劫者須釋迦之大通也勑諸比丘使知者將說宿世因緣使信如來明見無錯謬也

△二叙昔因十二 初大通成道

佛告諸比丘大通智勝佛壽五百四十萬億那由他劫其佛本坐道場破魔軍已垂得阿耨多羅三藐三菩提而諸佛法不現在前如是一小劫乃至十小劫結加趺坐身心不動而諸佛法猶不在前  
法身慧命其來無始則五百萬億劫猶爲應緣之壽不足多也所謂佛法者一乘實智佛知見也上根頓悟卽成佛道下根障重必假漸修今大通

經十小劫猶不現前乃應下根示現而已蓋下根因十使煩惱惑障失滅勝智甚大久遠勢須積行次第斷治故言自一小劫至十小劫斷盡惑障智乃現前所以大通應機若此故王子讚曰爲度衆生故於無量億歲爾乃得成佛此應機示現明矣爾時忉利諸天先爲彼佛於菩提樹下敷師子座高一由旬佛於此坐當得阿耨多羅三藐三菩提叙大通將坐道場諸天設座請佛也或謂本坐道場佛法不現移坐於此卽得菩提表遺迹忘緣然後契道然下云適坐此座滿十小劫殆非移坐卽得

適坐此座時諸梵天王雨衆天華面百由旬香風時來吹去萎華更雨新者如是不絕滿十小劫供養於佛乃至滅度常雨此華四王諸天爲供養佛常擊天鼓其餘諸天作天伎樂滿十小劫至於滅度亦復如是

適坐初坐也初坐而雨華作樂乃至滅度亦復如是言諸天欽向之至也

諸比丘大通智勝佛過十小劫諸佛之法乃現在前成阿耨多羅三藐三菩提

170 1 2 3 4 5 6 7 8 9 10 11 12 13 14 15 16 17 18 19 20 21 22 23 24 25 26 27 28 29 30

## 表十使惑盡勝智圓現成最正覺

## △二王子隨佛

其佛未出家時有十六子其第一者名曰智積

諸佛應迹本爲表法燈明未出家有八子大通未出家有十六子皆表在纏八識前對上根正而不邪故唯八而已此對下根邪正兼混故有十六一名智積者由智有所積故爲在纏之識若運而無積斯爲大通勝智矣燈明之子一名有意亦有積之義

諸子各有種種珍異詫好之具聞父得成阿耨多羅三藐三菩提皆捨所珍往詣佛所諸母涕泣而隨送之其祖轉輪聖王與一百大臣及餘百千萬億人民皆共圍繞隨至道場咸欲親近大通智勝如來供養恭敬尊重讚歎到已頭面禮足繞佛畢已

燈明之子止言領四天下表上根唯四大爲累而已智勝之子言各有種種玩好者表下根有種種欲深心所著之積捨珍詣佛者以其有積則未能大通能捨欲著乃證通智也王子所養之母不一故言諸母涕泣而隨以愛難遽捨也輪王卽大通之父於智積爲祖

△三王子讚佛三 初讚滿願成道

一心合掌瞻仰世尊以偈頌曰

大威德世尊 爲度衆生故 於無量億歲  
爾乃得成佛 諸願已具足 善哉吉無上  
久乃成佛待度生之願滿也善吉無上讚吉祥之  
道尊也

△二讚定慧功圓

世尊甚希有一坐十小劫 身體及手足  
靜然安不動 其心常憺怕 未曾有散亂  
究竟永寂滅 安住無漏法

安憺不亂定圓也究竟無漏慧圓也

△三慶已值遇

今者見世尊 安隱成佛道 我等得善利  
稱慶大歡喜 衆生常苦惱 盲暝無導師  
不識苦盡道 不知求解脫 長夜增惡趣  
減損諸天衆 從暝入於暝 永不聞佛名  
得善利者將除苦盲識苦盡道知求解脫也旨言  
內無慧目暝言外無慧日也苦盡道卽所謂說諸  
盡苦道示之以涅槃乃初心之利

今佛得最上 安隱無漏道 我等及天人

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9 200

爲得最大利 是故咸稽首 歸命無上尊  
結慶也

△四請轉法輪

爾時十六王子偈讚佛已勸請世尊轉於法輪咸作  
是言世尊說法多所安隱怜愍饒益諸天人民重說  
偈言

法輪取運濟無滯也

世雄無等倫

百福自莊嚴

得無上智慧

願爲世間說

度脫於我等

及諸衆生類

爲分別顯示

令得是智慧

若我等得佛

衆生亦復然

世尊知衆生

深心之所念

亦知所行道

又知智慧力

欲樂及修福

宿命所行業

世尊悉知已

當轉無上輪

初四句頌德請法從度脫於我等至衆生亦復然  
卽希慕法利也從世尊知衆生至當轉無上輪願  
應機而說也所念所行言向道之機智力福力言  
受道之質宿命行業言得道之因各有小大淺深  
佛悉知見故當應機也

△五瑞動諸天

佛告諸比丘大通智勝佛得阿耨多羅三藐三菩提

170 1 2 3 4 5 6 7 8 9 10 11 12 13 14 15 16 17 18 19 20 21 22 23 24 25 26 27 28 29 30 31 32 33 34 35 36 37 38 39 40 41 42 43 44 45 46 47 48 49 50 51 52 53 54 55 56 57 58 59 60 61 62 63 64 65 66 67 68 69 70 71 72 73 74 75 76 77 78 79 80 81 82 83 84 85 86 87 88 89 90 91 92 93 94 95 96 97 98 99 100

時十方各五百萬億諸佛世界六種震動其國中間幽暝之處日月威光所不能照而皆大明其中衆生各得相見咸作是言此中云何忽生衆生衆生以無明固結感地大礙而不通障蔽妙明故諸佛得道皆動地放光示懺破無明顯發智光也其國中間幽暝之處卽所謂鐵圍兩山黑暗之間也其中衆生昔處幽暝各不相見因明乃見故疑惑生也夫人以五蘊衆相和合有生而封蔀無明誠非日月威光所能照燭及乎勝智開明乃知衆生之相從芒芴間忽然幻有亦若是矣

又其國界諸天宮殿乃至梵宮六種震動大光普照徧滿世界勝諸天光

諸天雖有常光不及佛光

△六諸天請法五 一東方五百梵王四 初佛

光感動

佛光大明感動十方各尋光詣佛獻供請法復有四科

爾時東方五百萬億諸國土中梵天宮殿光明照耀倍於常明諸梵天王各作是念今者宮殿光明昔所未有以何因緣而現此相是時諸梵天王卽各相詣

170 1 2 3 4 5 6 7 8 9 10 11 12 13 14 15 16 17 18 19 20 21 22 23 24 25 26 27 28 29 30 31 32 33 34 35 36 37 38 39 40 41 42 43 44 45 46 47 48 49 50 51 52 53 54 55 56 57 58 59 60 61 62 63 64 65 66 67 68 69 70 71 72 73 74 75 76 77 78 79 80 81 82 83 84 85 86 87 88 89 90 91 92 93 94 95 96 97 98 99 100

共議此事時彼衆中有一大梵天王名救一切爲諸  
梵衆而說偈言

我等諸宮殿 光明昔未有 此是何因緣  
宜各共求之 爲大德天生 爲佛出世間  
而此大光明 徧照於十方

諸天有大威德者將生則祥光先見名大德天

△二尋光詣佛

爾時五百萬億國土諸梵天王與宮殿俱各以衣械  
盛諸天華共詣西方推尋是相見大通智勝如來處  
於道場菩提樹下坐師子座諸天龍王乾闥婆緊那  
羅摩跋羅伽人非人等恭敬圍繞及見十六王子請

佛轉法輪

諸天有隨身宮殿故云與宮殿俱

△三禮佛獻供

卽時諸梵天王頭面禮佛繞百千匝卽以天華而散  
佛上其所散華如須彌山并以供養佛菩提樹其菩  
提樹高十由旬華供養已各以宮殿奉上彼佛而作  
是言唯見哀愍饒益我等所獻宮殿願垂納處

以華散佛所以尊師并以供樹所以重道華如須  
彌山樹高十由旬皆佛報身之量感變也譬龍王

170 1 2 3 4 5 6 7 8 9 100 1 2 3 4 5 6 7 8 9 100

降雨洪注十方豈彼水之能多所變在龍而已  
時諸梵天王卽於佛前一心同聲以偈頌曰

世尊甚希有 難可得值遇 具無量功德

能救護一切

天人之大師

哀愍於世間

十方諸衆生 普皆蒙饒益 我等所從來

五百萬億國 捨深禪定樂 爲供養佛故

我等先世福 宮殿甚嚴飾 今以奉世尊

唯願哀納受

具無量功德能救護一切讚所蘊也十方諸衆生  
普皆蒙饒益讚所利也我等所從來等陳遠慕也  
我等先世福等伸授獻也

△四請佛轉法

爾時諸梵天王偈讚佛已各作是言唯願世尊轉於  
法輪度脫衆生開涅槃道時諸梵天王一心同聲而  
說偈言

世雄兩足尊 唯願演說法 以大慈悲力

度苦惱衆生

涅槃道卽脫生死輪迴之妙道也

爾時大通智勝如來嘿然許之

佛知時未至受請嘿然坐

170 1 2 3 4 5 6 7 8 9 10 11 12 13 14 15 16 17 18 19 20 21 22 23 24 25 26 27 28 29 30 31 32 33 34 35 36 37 38 39 40 41 42 43 44 45 46 47 48 49 50 51 52 53 54 55 56 57 58 59 60 61 62 63 64 65 66 67 68 69 70 71 72 73 74 75 76 77 78 79 80 81 82 83 84 85 86 87 88 89 90 91 92 93 94 95 96 97 98 99

△二東南方五百梵王 四一佛光感動

又諸北丘東南方五百萬億國土諸大梵王各自見  
宮殿光明照耀昔所未有歡喜踊躍生希有心卽各  
相詣共議此事時彼衆中有一大梵天王名曰大悲  
爲諸梵衆而說偈言

是事何因緣 而現如此相 我等諸宮殿

光明昔未有 爲大德天生 爲佛出世間

未曾見此相 當共一心求 過千萬億土

尋光共推之 多是佛出世 度脫苦衆生

△二尋光詣佛

爾時五百萬億諸梵天王與宮殿俱各以衣祇盛諸  
天華共詣西北方推尋是相見大通智勝如來處於  
道場菩提樹下坐師子座諸天龍王乾闥婆緊那羅  
摩睺羅伽人非人等恭敬圍繞及見十六王子請佛  
轉法輪

△三禮佛獻供

時諸梵天王頭面禮佛遶百千匝卽以天華而散佛  
上所散之華如須彌山并以供養佛菩提樹華供養  
已各以宮殿奉上彼佛而作是言唯見哀愍饒益我  
等所獻宮殿願垂納受爾時諸梵天王卽於佛前一

心同聲以偈頌曰

聖主天中王 迦陵頻伽聲 哀愍衆生者

我等今敬禮 世尊甚希有 久遠乃一現

一百八十劫 空過無有佛 三惡道充滿

諸天衆減少 今佛出於世 爲衆生作眼

世間所歸趣 救護於一切 爲衆生之父

哀愍饒益者 我等宿福慶 今得值世尊

迦陵頻伽云好音鳥其聲清和感悅譬佛法音此  
天云百八十劫空過無佛南天云百三十劫乃得  
一見上天云昔無量劫空過無佛如此不同者信  
知佛身無所不在無時不現但隨緣所感故有延  
促生滅之見耳爲衆生眼者開惡道昏迷也爲衆  
生父者作世間歸趣也

△四請轉法輪

爾時諸梵天王偈讚佛已各作是言唯願世尊哀愍  
一切轉於法輪度脫衆生時諸梵天王一心同聲而  
說偈言

大聖轉法輪 顯示諸法相 度苦惱衆生  
令得大歡喜 衆生聞此法 得道若生天  
諸惡道減少 忍善者增益

170 1 2 3 4 5 6 7 8 9 180 1 2 3 4 5 6 7 8 9

10

11

12

13

度苦惱衆生令得大歡喜者失真沈妄故苦脫黏  
解縛故喜得道若生天者上或深造得道下或獲  
福生天忍善者勉力爲善也  
爾時大通智勝如來嘿然許之

△三南方五百梵王四 一佛光感動

又諸比丘南方五百萬億國土諸大梵王各自見宮  
殿光明照耀昔所未有歡喜踊躍生希有心卽各相  
詣共議此事以何因緣我等宮殿有此光曜而彼衆  
中有一大梵天王名曰妙法爲諸衆說偈言  
我等諸宮殿 光明甚威曜 此非無因緣

是相宜求之 過於百千劫 未曾見是相

爲大德天生 爲佛出世間

△二尋光詣佛

爾時五百萬億諸梵天王與宮殿俱各以衣械盛諸  
天華共詣北方推尋是相見大通智勝如來處於道  
場菩提樹下坐師子座諸天龍王乾闥婆緊那羅摩  
睂羅伽人非人等恭敬圍繞及見十六王子請佛轉  
法輪

△三禮佛獻供

時諸梵天王頭面禮佛遶百千匝卽以天華而散佛

上所散之華如須彌山并以供養佛菩提樹華供養已各以宮殿奉上彼佛而作是言惟見哀愍饒益我等所獻宮殿願垂納受爾時諸梵天王卽於佛前一心同聲以偈頌曰

世尊甚難見 破諸煩惱者 過百三十劫  
今乃得一見 諸饑渴衆生 以法雨充滿  
昔所未曾見 無量智慧者 如優曇鉢華  
今日乃值遇 我等諸宮殿 蒙光故嚴飾  
世尊大慈愍 惟願垂納受

△四請轉法輪

爾時諸梵天王偈讚佛已各作是言惟願世尊轉於法輪令一切世間諸天魔梵沙門婆羅門皆獲安隱而得度脫時諸梵天王一心同聲以偈頌曰

惟願天人尊 轉無上法輪 擊於大法鼓  
而吹大法螺 普雨大法雨 度無量衆生  
我等咸歸請 當演深遠音

鼓螺雨皆譬大法能號令警衆利澤羣物  
爾時大通智勝如來嘿然許之

△四例餘方梵天

西南方乃至下方亦復如是

170 1 2 3 4 5 6 7 8 9 10 11 12 13 14 15 16 17 18 19 20 21 22 23 24 25 26 27 28 29 30 31 32 33 34 35 36 37 38 39 40 41 42 43 44 45 46 47 48 49 50 51 52 53 54 55 56 57 58 59 60 61 62 63 64 65 66 67 68 69 70 71 72 73 74 75 76 77 78 79 80 81 82 83 84 85 86 87 88 89 90 91 92 93 94 95 96 97 98 99 100

△五且約上方五百四 初佛光感動

爾時上方五百萬億國土諸大梵王皆悉自覩所止  
宮殿光明威曜昔所未有歡喜踊躍生希有心卽各  
相詣共議此事以何因緣我等宮殿有斯光明時彼  
衆中有一大梵天王名曰尸棄爲諸梵衆而說偈言  
今以何因緣 我等諸宮殿 威德光明曜

嚴飾未曾有 如是之妙相 昔所未聞見

爲大德天生 爲佛出世間

△二尋光詣佛

爾時五百萬億諸梵天王與宮殿俱各以衣械盛諸  
天華共詣下方推尋是相見大通智勝如來處於道  
場菩提樹下坐師子座諸天龍王乾闥婆緊那羅摩  
睂羅伽人非人等恭敬圍繞及見十六王子請佛轉  
法輪

△三禮佛獻供

時諸梵天王頭面禮佛遶百千匝卽以天華而散佛  
上所散之華如須彌山并以供養佛菩提樹華供養  
已各以宮殿奉上彼佛而作是言惟見哀愍饒益我  
等所獻宮殿願垂納處時諸梵天王卽於佛前一心  
同聲以偈頌曰

善哉見諸佛 救世之聖尊 能於三界獄  
勉出諸衆生 普智天人尊 哀愍羣萌類  
能開甘露門 廣度於一切 於昔無量劫  
空過無有佛 世尊未出時 十方常闍暝  
三惡道增長 阿修羅亦盛 諸天衆轉滅  
死多墮惡道 不從佛聞法 常行不善事  
色力及智慧 斯等皆減少 罪業因緣故  
失樂及樂想 住於邪見法 不識善儀則  
不蒙佛所化 當墮於惡道 佛爲世間眼  
久遠時乃出 哀愍諸衆生 故現於世間

超出成正覺 我等甚欣慶 及餘一切衆  
喜嘆未曾有 我等諸宮殿 蒙光故嚴飾  
今以奉世尊 唯垂哀納受 願以此功德  
普及於一切 我等與衆生 皆共成佛道  
善哉見諸佛者此天過無量劫乃得一見故稱善  
自慶也前謂三界爲火宅者以衆苦逼切爲名此  
謂三界爲獄者以業累繫滯爲名言救世勉獄讚  
悲願也言普智廣度讚智力也十方暗暝者無大  
智光明故由無智光則三惡增長天衆轉滅不從  
佛聞法等者佛法能繕性澄神外資色力內資智

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9 200

慧爲善業因緣能致樂事能生樂想由其不聞故  
反之也樂想者厭苦想樂也末後一偈爲廣大圓  
向

△四請轉法輪

爾時五百萬億諸梵天王偈讚佛已各白佛言唯願  
世尊轉於法輪多所安隱多所度脫時諸梵天王而  
說偈言

世尊轉法輪 擊甘露法鼓 度苦惱衆生

開示涅槃道 唯願受我請 以大微妙音  
哀愍而敷演 無量劫習法

前言甘露門此言甘露鼓皆取其能除苦惱惟門  
言悟入鼓言警發

妙法蓮華經解卷第三之二

寶城知照嘉善袁黃施貲刻此

妙法蓮華經解卷第三之二 嘉興沙彌道梅對  
真州趙之昂書 漢水端本澄刻

萬曆辛卯春五臺山妙德庵識

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9 200

妙灑蓮華經解卷第三之三

溫陵開元蓮寺比丘戒環解

△七受請開漸

爾時大通智勝如來受十方諸梵天王及十六王子請即時三轉十二行法輪

三轉者示相轉勸修轉作證轉令人見修無學三位也示相者示四諦之行相使知向方卽見道位也勸修者示四諦之功利使知修行卽修道位也作證者示我已證汝亦應證卽無學位也又三轉

者泛應三根若下根須三中根可二上根唯一若上上根則目擊道存不容聲矣有所謂十二教法輪有所謂十二行法輪教爲能轉行爲所轉依示勸證三轉四諦卽十二教法轉也依見修學三悟四諦卽十二行法輪也舊謂於一轉中今聞法者發生真聖慧眼及智明覺三轉各四爲十二行亦不離見修無學也

若沙門婆羅門若天魔梵及餘世間所不能轉

謂此等未能正證則雖轉唯滯言詮

謂是苦是苦集是苦滅是苦滅道

示所轉之相卽四諦法也皆謂之苦者四諦因苦而設爲滅苦之道故也生老病死等八現前逼惱曰苦煩惱結業召致未來八苦曰集此通三世謂過去集致現在苦現在集致未來苦也結業盡則生死八苦永盡曰滅治結業則修三十七道品曰道三十七品見淨藏淨眼文

及廣說十二因緣法無明緣行行緣識識緣名色名色緣六入六入緣觸觸緣受受緣愛愛緣取取緣有緣生生緣老死憂悲苦惱無明滅則行滅行滅則識滅識滅則名色滅名色滅則六入滅六入滅則觸

170 1 2 3 4 5 6 7 8 9 100 1 2 3 4 5 6 7 8 9 150 1 2 3 4 5 6 7 8 9 150 1 2 3 4 5 6 7 8 9 150

滅觸滅則受滅受滅則愛滅愛滅則取滅取滅則有滅有滅則生滅生滅則老死憂悲苦惱滅

廣四諦說十二緣也自無明緣行至生緣老死等示生起相卽廣苦集二諦而說也自無明滅至憂

悲苦惱滅示修斷相卽廣滅道二諦而說也四諦爲下根聊陳麤相所本在跡十二緣爲中根細觀四諦所本在心謂性智本明妙湛精了由妄塵瞥起俄然晦昧名無明於無明體一念初動名行晦昧搖動則失彼精了粘湛發知故轉智名識十二緣中此三爲根本餘九爲支末相因以成三世之緣耳智本無知由識故知形爲妄心謂之名乃六賊之主也性本無生由識故生形爲幻質謂之色卽四陰之依也則名色者識初托胎凝滑之相也由凝滑而具六根名六入根成出胎根與境交名觸領納前境名受有所受故愛心生而愛斯取之由愛取故惑業相結善惡有狀名有由諸有結爲三界之生因名生有生則老死苦惱隨之矣此生起之相也將欲滅之以何爲要耶當知彼無明者非實有體初一心源廓然妙湛由知見立知妄塵瞥起故有無明若知見無見則智性真淨復還妙

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9 200

湛洞徹精了名無明滅則自行已下莫不皆滅蓋本既不存末無所附此修斷之相也夫四諦十二緣名一而義多有所謂小乘生滅四諦則依分段生死名苦煩惱及業名集擇滅名滅生空智品名道有所謂大乘無作四諦則依變易生死名苦所知障名集無住涅槃名滅法空智品名道或曰八諦卽合上言之又有無量四諦則依一乘圓頓而說卽諸苦集明第一義外求滅道了無所得是謂四聖諦也十二緣亦如之故諦緣之法雖屬二乘實通大乘其要皆爲斷生死本滅無明因使復還本明妙性而已凡爲道看教當深明乎此

佛於天人大衆之中說是法時六百萬億那由他人以不受一切法故而於諸漏心得解脫皆得深妙禪定三明六通具八解脫

此於初會聞法獲益之利根也不受一切法者悟諦緣空了無所著也蓋心本解脫有受故累性本明定有著故昏是以不受一切法故遂於諸漏心得解脫又得禪定三明六通然則聖凡一體迷悟同源人者苟能悟患累之由達汨昏之始果亦於法不受則禪定解脫六通三明皆可得矣

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9 200

第二第三第四說法時千萬億恒河沙那由他等衆生亦以不受一切法故而於諸漏心得解脫從是已後諸聲聞衆無量無邊不可稱數

此於次第聞法獲益中下之根也利根一聞千悟中下多聞少悟故至於第三第四時乃獲益也從是已後非一席說又有小根獲益其數不計

△八因小請大

此正叙請說法華也然前所請皆願轉無上輪而大通止說諦緣之法又待此請者諸佛說法皆自漸之頓藉權顯實益導之無漸則駭而不信非惟

教不陵節亦欲學不躐等故也

爾時十六王子皆以童子出家而作沙彌諸根通利智慧明了已曾供養百千萬億諸佛淨修梵行求阿耨多羅三藐三菩提俱白佛言世尊是諸無量千萬億大德聲聞皆已成就世尊亦當爲我等說阿耨多羅三藐三菩提法我等聞已皆共修學世尊我等志願如來知見深心所念佛自證知

十六王子聞法獲益於是出家復求大乘皆已成就謂已成就大志故請說大法我等志願下自陳大志望說大法也如來知見卽所謂一大事也

170 1 2 3 4 5 6 7 8 9 10 11 12 13 14 15 16 17 18 19 20 21 22 23 24 25 26 27 28 29 30 31 32 33 34 35 36 37 38 39 40 41 42 43 44 45 46 47 48 49 50 51 52 53 54 55 56 57 58 59 60 61 62 63 64 65 66 67 68 69 70 71 72 73 74 75 76 77 78 79 80 81 82 83 84 85 86 87 88 89 90 91 92 93 94 95 96 97 98 99 100

爾時轉輪聖王所將衆中八萬億人見十六王子出家亦求出家王卽聽許

△九受請說頓

爾時彼佛受沙彌請過二萬劫已乃於四衆之中說是大乘經名妙法蓮華教菩薩法佛所護念

過二萬劫乃久嘿斯要以待機也則二萬劫前且說方等般若之教偈云說六波羅蜜及諸神通事是也釋迦現壽八十而四十年說般若等教大通

現壽五百萬億那由他劫則宜於二萬劫說也

說是經已十六沙彌爲阿耨多羅三藐三菩提故皆

共受持諷誦通利

欣樂大法敬奉宣明

△十聞根不等

說是經時十六菩薩沙彌皆悉信受聲聞衆中亦有信解其餘衆生千萬億種皆生疑惑佛說是經於八千劫未曾休廢說此經已卽入靜室住於禪定八萬四千劫

菩薩必信聲聞或信衆生不信所謂上士聞道勤而行之中士聞道若存若亡下士聞道大笑而已未曾休廢者所謂熾然說無間說也

100 1 2 3 4 5 6 7 8 9 180 1 2 3 4 5 6 7 8 9 150

△十一沙彌演妙

是時十六菩薩沙彌知佛入室寂然禪定各陞法座亦於八萬四千劫爲四部衆廣說分別妙法華經一皆度六百萬億那由他恒河沙等衆生示教利喜令發阿耨多羅三藐三菩提心

爲疑惑之衆曲講也十六王子表在纏八識十六菩薩表出纏八智然有十六者示以八正伏八邪也於八萬劫各度多衆者表既得大通之道則八萬法門無所不通故非唯八正爲妙智雖八邪亦妙智也非唯八正之能度雖八邪亦能度也所謂聖性無不通逆順皆方便唯其如此故各能演妙至窮劫各能度衆至於恒沙不如是不足爲大通之道

△十二大通印證

大通智勝佛過八萬四千劫已從三昧起往詣法座安詳而坐普告大衆是十六菩薩沙彌甚爲希有諸根通利智慧明了已曾供養無量千萬億數諸佛於諸佛所常修梵行受持佛智開示衆生令入其中汝等皆當數數親近而供養之可其所說讚其德行使衆親附也

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9 200

所以者何若聲聞辟支佛及諸菩薩能信是十六菩薩所說經灑受持不毀者是人皆當得阿耨多羅三藐三菩提如來智慧

三乘得妙則同歸一乘

△三示今緣五一徵昔會今

佛告諸比丘是十六菩薩常樂說是妙法華經一一菩薩所化六百萬億那由他恒河沙等衆生世世所生與菩薩俱從其聞法悉皆信解以此因緣得值四萬億諸佛世尊於今不盡

徵昔所化會今之緣也所化之衆常與師俱者爲化緣深故以是得值億萬多佛其緣未盡今復相值

△二歷陳名迹

諸比丘我今語汝彼佛弟子十六沙彌今皆得阿耨多羅三藐三菩提於十方國土現在說法有無量百千萬億菩薩聲聞以爲眷屬其二沙彌東方作佛一名阿閦在歡喜國二名須彌頂

陳十六王子成佛名迹也天地設位道運乎其中聖人法之以開物成務冒天下之道故八方之佛各依一方而示一德所以開物所以成務原始要

170 1 2 3 4 5 6 7 8 9 10 11 12 13 14 15 16 17 18 19 20

終則天下之道無不冒矣東方靈爲動歡喜亦動也阿閎云無動須彌頂又無動之極也經云毀譽不動如須彌此佛出應羣動而其體無動又在動國示卽動而靜也二佛並化其德相資故雖二名可以合釋或曰八卦乃中夏之書引配竺教豈佛意耶李長者用釋華嚴呂觀文用釋此章或者非之子復蹈襲何也曰竺夏一天下耳壇畿所及方位所同而卦乃天地自然之理獨不同哉伏羲畫之以示人吾佛象之以設法各默得其同耳今經雖無八卦之文顯有八方之象借事明理烏乎不可而必拘墟詆訾非達士也昔五百應真各解佛言而問誰當佛意佛言皆非我意衆曰不當佛意將無得罪佛言雖非我意各順正理堪爲聖教有福無罪吾唯守此以當或者之非

東南方二佛一名師子音二名獅子相

東南巽爲柔順師子音者所說無畏師子相者所示無畏此佛以慈柔應物以無畏說法

南方二佛一名虛空住二名常滅

西南方離爲虛明虛空住者體至虛以應羣實也常滅者了一切法當體虛凝卽寂滅相不復更滅是

170 1 2 3 4 5 6 7 8 9 100 1 2 3 4 5 6 7 8 9 100

謂常滅

西南方二佛一名帝相二名梵相

西南坤爲資生帝相者神出而應物爲帝梵淨也此佛以神應物資以生而其德常淨不累於物西方二佛一名阿彌陀二名度一切世間苦惱

西方父爲毀折阿彌陀云無量壽世間苦惱卽生死無常也此佛於毀折之際示無量壽則了無生死以救度世間生死苦惱

西北方二佛一名多摩羅跋旃檀香神通二名須彌相

西北乾爲剛健多摩羅旃檀香清遠潛通以比神通須彌相亦無動義此佛神通應物如乾道不息寂然不動感而遂通

北方二佛一名雲自在二名雲自在王

北方坎爲險陷雲自在謂無心而利物雲自在王又自在之至也此佛以無緣慈覆陰利澤險難衆生而無心無著如雲之自在

東北方佛名壞一切世間怖畏

東北艮爲萬物成敗終之所始終之理在物爲成壞在人爲生死乃世間之所怖畏也此佛於生

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

死畏中以一真凝常之道開覺羣物使達其無始無終而入於不死不生則世間怖畏壞滅矣。

第十六我釋迦牟尼佛於娑婆國土成阿耨多羅三藐三菩提

釋迦牟尼云能仁寂默謂其德仁濟羣類其道寂默無爲以示化堪忍故號能仁此繼東北方而持標者大覺雖具成始成終之德而其道圓應不滯方隅無始無終爲衆德之總故也蓋自無動而出應羣動能柔能剛說是無畏虛已應物現壽運神乃至濟險滅怖無非釋迦隨宜之行故歷言八方佛德而以釋迦總之斯乃範圍天地曲成萬物無方無體之至德也非成無上正道何以與此故曰釋迦牟尼於娑婆國成阿耨菩提

△三成就所化

諸比丘我等爲沙彌時各各教化無量百千萬億恒河沙等衆生從我聞法爲阿耨多羅三藐三菩提此諸衆生於今有住聲聞地者我常教化阿耨多羅三藐三菩提是諸人等應以是法漸入佛道

明昔因今緣使知功行已深而成就之也舉爲沙彌所化明昔因也於今所化明今緣也應以是法

漸入佛道卽成就之也

所以者何如來智慧難信難解

釋上旣曠劫蒙教今猶漸入者以如來智慧難信  
解故然衆生莫不有如來智慧而難解若此者塵  
習自障故也以今人觀之幸聞正法不無宿因安  
知吾徒非智勝之遺塵非未來之弟子然緣障尚  
稠道果渺邈卽曠劫蒙教今猶漸入者也若能勤  
進猶可庶幾設復退墮又安知未來之期比前塵  
劫不復過於是數耶然則所謂難解者非佛智之  
難機自難耳

爾時所化無量恒河沙等衆生者汝等諸比丘及我  
滅度後未來世中聲聞弟子是也

上明蒙化之因此指所化之人

△四廣度遺餘

我滅度後復有弟子不聞是經不知不覺菩薩所行  
自於所得功德生滅度想當入涅槃我於餘國作佛  
更有異名是人雖生滅度之想入於涅槃而於彼土  
求佛智慧得聞是經唯以佛乘而得滅度更無餘乘  
除諸如來方便說法

上云未來聲聞謂曾蒙化者此云復有弟子言未

170 1 2 3 4 5 6 7 8 9 100 1 2 3 4 5 6 7 8 9 100 1 2 3 4 5 6 7 8 9 100

蒙化者其因緣展轉終當遇佛而依一乘得度也  
餘國作佛者示滅於此而應緣於彼也更有異名  
者華嚴云如來名迹應衆生心各各不同於一四  
天下乃至十方各各十千是也

△五結會終實

諸比丘若如來自知涅槃時到衆又清淨信解堅固  
了達空法深入禪定便集諸菩薩及聲聞衆爲說是  
經世間無有二乘而得滅度唯一佛乘得滅度耳

前明始權此會終實也涅槃時到言化緣將畢衆

又清淨言根機已熟衆清淨者已於藏教斷惑除  
結也信堅固者已於通教心相體信也了達空法  
謂已悟般若深入禪定謂妙造玄源如此則諸病  
已除醫方亦遺故廢二權特明一實得滅度者得  
真常道果也

△四喻明權實六

一立譬本

比丘當知如來方便深入衆生之性知其志樂小法  
深著五欲爲是等故說於涅槃是人若聞則便信受  
爲樂小者權說小果彼便信受如滯化城

△二正引喻

譬如五百由旬險難惡道曠絕無人怖畏之處

譬諸生死煩惱惡道險難長遠也五百由旬舊說尤多今取二乘斷三界結惑離分段生死證有餘涅槃是過三百由旬而至化城然尚滯變易生死若回心向大進至七地斷盡習氣是過四百由旬近於寶所又進八地已上斷盡無明離變易生死證無餘涅槃是過五百由旬到寶所也曠絕無人等譬生死長遠無真知見妄起怖畏

若有多衆欲過此道至珍寶處

譬三乘求佛

△三善知方宜

有一導師聰慧明達善知險道通塞之相將導衆人欲過此難

導師指津之人譬釋尊也通斯進之塞斯止之通譬斷惑塞譬起障又善則通惡則塞乃可無難

△四衆心懈退

所將人衆中路懈退白導師言我等疲極而復怖畏不能復進前路猶遠今欲退還

譬二乘求道難進易退

△五設化權濟

導師多諸方便而作是念此等可愍云何捨大珍寶

170 1 2 3 4 5 6 7 8 9 10 11 12 13 14 15 16 17 18 19 20 21 22 23 24 25 26 27 28 29 30 31 32 33 34 35 36 37 38 39 40 41 42 43 44 45 46 47 48 49 50 51 52 53 54 55 56 57 58 59 60 61 62 63 64 65 66 67 68 69 70 71 72 73 74 75 76 77 78 79 80 81 82 83 84 85 86 87 88 89 90 91 92 93 94 95 96 97 98 99 100

而欲退還作是念已以方便力於險道中過三百由  
旬化作一城告衆人言汝等勿怖莫得退還今此大  
城可於中止隨意所作若入是城快得安隱若能前  
至寶所亦可得去

譬因二乘斷三界結惑後息以小果而進之智地  
也隨意所作卽任力所能漸得入道之義

是時疲極之衆心大歡喜嘆未曾有我等今者免斯  
惡道快得安隱

稱願息之心故也

於是衆人前入化城生已度想生安隱想

樂小忘大

△六廢權立實

爾時導師知此人衆旣得止息無復疲倦卽滅化城  
語衆人言汝等去來寶處在近向者大城我所化作  
爲止息耳

化非真有故斯湏卽滅唯寶所爲真權非實有故  
終竟而廢唯一乘爲實

△五合顯權實五一合引喻

諸比丘如來亦復如是今爲汝等作大導師

△二合知方宜

170 1 2 3 4 5 6 7 8 9 100

1

2

3

知諸生死煩惱惡道險難長遠應去應度

△三合衆懈退

若衆生但聞一佛乘者則不欲見佛不欲親近便作是念佛道長遠久受勤苦乃可得成

若但聞一乘而無權濟則厭大而不欲見佛憚煩而憂其道遠故須權濟也上言惡道長遠此言佛道長遠者上以正見觀衆生此以倒見觀佛道故也佛道初不遠人本無修證特由生死背馳復之之難故見其長遠惑業積障治之之難故見其勤苦則長遠勤苦由倒妄起何關於道哉苟無生死無惑業則當體凝淨何復何治長遠之見勤苦之功了無所施矣昧者不知出此而致咎佛道遂生懈退大覺所以叙其倒見而誘進之

△四合權濟

佛知是心怯弱下劣以方便力而於中道爲止息故說二涅槃

中道卽大小乘之中間也二涅槃卽二乘涅槃下云二地是也

△五合廢權立實

若衆生住於二地如來爾時卽便爲說汝等所作未

170 1 2 3 4 5 6 7 8 9 10

11

12

13

14

辨汝所住地近於佛慧當觀察籌量所得涅槃非真實也但是如來方便之力於一佛乘分別說三如彼導師爲止息故化作大城旣知息已而告之言寶處在近此城非實我化作耳

住於二地謂滯二乘權果而不知進故語之佛慧令觀察籌量而進取實果也

△六以偈重宣五初頌昔因八初頌大通成道

爾時世尊欲重宣此義而說偈言

大通智勝佛十劫坐道場佛法不現前

不得成佛道諸天神龍王阿修羅衆等常雨於天華以供養彼佛諸天擊天鼓并作衆技樂香風吹萎華更雨新好者過十小劫已乃得成佛道諸天及世人心皆懷踊躍

△二頌王子隨佛

彼佛十六子皆與其眷屬千萬億圍遶俱行至佛所

△三頌王子讚佛請法

頭面禮佛足而請轉法輪聖師子法雨

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9 200

克我及一切 世尊甚難值 久遠時一現  
爲覺悟羣生 震動於一切  
聖師子者讚聖力無畏也 世尊難值已下頌出世  
本懷而請法

△四頌瑞動諸天請法

東方諸世界 五百萬億國 梵宮殿光曜

昔所未曾有 諸梵見此相

尋來至佛所

散華以供養 幷奉上宮殿

請佛轉法輪

以偈而讚歎 佛知時未至

受請默然坐

三方及四維

上下亦復爾 散華奉宮殿

請佛轉法輪 世尊甚難值 願以本慈悲

廣開甘露門 轉無上法輪

△五頌受請開漸

無量慧世尊 受彼衆人請 爲宣種種法

四諦十二緣

無明至老死 皆從生緣有

如是衆過患 汝等應當知

無明至老死舉十二因緣也 皆從生緣有明無生  
卽無衆過患也

宣暢是法時 六百萬億奴 得盡諸苦際  
皆成阿羅漢

頌初會聞法獲益之利根也風俗通云十萬曰億  
十億曰兆十兆曰京十京曰秭十秭曰垓垓爲總  
大之數卽所謂那由他也

第二說法時 千萬恒沙衆 於諸法不受  
亦得阿羅漢 從是後得道 其數無有量  
萬億劫筭數 不能得其邊

頌次第獲益中下之根

△六頌因小請大

時十六王子 出家作沙彌 皆共請彼佛  
演說大乘法 我等及營從 皆當成佛道

願得如世尊 慧眼第一淨

小乘慧眼未免緣影求其第一清淨無如世尊故  
願得之

△七頌受請說頓

佛知童子心 宿世之所行 以無量因緣  
種種諸譬喻 說六波羅蜜 及諸神通事  
分別真實法 菩薩所行道 說是法華經  
如恒河沙偈

知童子心卽前云深心所念佛自證知也說六波  
羅蜜等卽前云過二萬劫之事也六波羅蜜卽般

170-123456789100-123456789150-123456789150

若教諸神通事卽方等教且分別實法爲大乘之始而已過是已後乃說法華然有如恒沙偈者妙法應機廣略不同故釋迦則一期而說燈明六十劫說大通八千劫說今經止於二十八品常不輕於威音則聞二千萬億偈喜見於日月淨明德則聞八百萬億阿闍婆偈蓋各隨其緣之際促根之廣狹故說有豐約其實稱性之法無所終窮是以華嚴有三部之文而一字法門書海墨而不盡則恒沙之偈不爲多也

△八頌沙彌演妙

彼佛說經已 靜室入禪定 一心一處坐  
八萬四千劫 是諸沙彌等 知佛禪未出  
中爲無量億衆 說佛無上慧 各各坐法座  
說是大乘經 於佛宴寂後 宣揚助法化  
一一沙彌等 所度諸衆生 有六百萬億  
恒河沙等衆

△二頌今緣四 一頌徵昔會今

彼佛滅度後 是諸聞法者 在在諸佛土  
常與師俱生 因法華緣世世相值

△二頌歷陳名迹

是十六沙彌 具足行 佛道 今現在十方

各得成正覺

△三頌成就所化

爾時聞法者 各在諸佛所 其有住聲聞

漸教以佛道 我在十六數 曾亦爲汝說

是故以方便 引汝趣佛慧

明遠緣深功而成就之也

△四頌結會終實

以是本因緣 今說法華經 令汝入佛道

慎勿懷驚惧

△三頌喻權實五 一頌譬本

譬如險惡道 迦絕多毒獸 又復無水草

人所怖畏處 無數千萬衆 欲過此險道

其路甚曠遠 經五百由旬

毒獸譬生死煩惱水草譬菩提資根

△二頌善知方宜

時有一導師 強識有智慧 明了心決定

在險濟衆難

△三頌衆心懈退

衆人皆疲倦 而白導師言 我等今頓乏  
於此欲退還

△四頌設化權濟

導師作是念 此輩甚可愍 如何欲退還  
而失大珍寶 尋時思方便 當設神通力  
化作大城郭 莊嚴諸舍宅 周匝有園林  
渠流及浴池 重門高樓閣 男女皆充滿  
卽作是化已 慰衆言勿惧 汝等入此城  
各可隨所樂

前止云化作一城卽通譬道果此又云郭及舍宅  
男女等者詳譬果中德用也國邑有城重城爲郭  
城以郭爲防果以德爲輔舍宅譬依止之德以畢  
竟空寂爲莊嚴園林譬庇賴之德以無漏法樹爲  
周匝浴池譬潔淨之德以八解定水爲渠流樓閣  
譬超達之德以空無相無作爲重門男女充滿卽  
所謂善心誠實男慈悲心爲女也然此譬二乘果  
德而有似大乘之德者乃以似量權進之耳故總  
依化城爲言及乎卽滅化城則此等皆滅譬二乘  
之德曾無實證終歸壞滅也世之學者以比智知  
道以似量見性緣無實證亦若是矣

△五頌廢權立實

諸人既入城 心皆大歡喜 皆生安隱想  
自謂已得度 導師知息已 集衆而告言  
汝等當前進 此是化城耳 我見汝疲極  
中路欲退還 故以方便力 權化作此城  
誓汝今勤精進 當共至寶所

△四頌合顯權實四 一頌合譬本

我亦復如是 爲一切導師

△二頌合知方

見諸求道者 中路而懈廢 不能度生死

煩惱諸險道

△三頌合權濟

故以方便力 爲息說涅槃 言汝等苦滅  
所作皆已辦

此云已辦乃權進之及其住於二地卽實說未辦

△四頌合廢權立實

旣知到涅槃 皆得阿羅漢 爾乃集大衆  
爲說真實法

如科

諸佛方便力 分別說三乘 唯有一佛乘

170 1 2 3 4 5 6 7 8 9 100 1 2 3 4 5 6 7 8 9 100

息處故說二 今爲汝說實 汝所得非滅

爲佛一切智 當發大精進 汝證一切智

十力等佛法 具三十二相 乃是真實滅

此今觀察籌量所得非真勉之令趣實果也

△五頌總結

諸佛之導師 爲息說涅槃 既知是息已  
引入於佛慧

總結化城一品意義也

妙法蓮華經解卷第三之三

音切

祐谷李

歙縣吳惟明施刻

妙法蓮華經解卷第三之三 嘉興沙彌道梅

妙灑蓮華經解卷第四之一

溫陵開元蓮寺比丘戒環解

妙灑蓮華經五百弟子授記品第八

△二下根領悟得記二 初無學衆領悟得記二

初略叙標科

三周說法各隨機領悟而述成與記前化城品因緣說一周以被下根滿慈與五百羅漢等於此領悟佛爲述成與記故曰五百授記品然此先記滿慈次記五百千二之衆而特取五百名品者滿慈乃大弟子內秘外現爲衆標領雖先與記非是當

170 1 2 3 4 5 6 7 8 9 100 1 2 3 4 5 6 7 8 9 100 1 2 3 4 5 6 7 8 9 100

機又十二居未不當名品故也十大弟子無非上  
根領悟得記本無先後但各專一德隨機總衆耳  
滿慈說法第一而五百羅漢常說無上道故號爲  
普明是當說法之機故以滿慈總之如阿難羅云  
亦大弟子而總學衆各有以也

△二依文正解五 初滿慈領悟

爾時富樓那彌多羅尼子從佛聞是智慧方便隨宜  
說法又聞授諸大弟子阿耨多羅三藐三菩提記復  
聞宿世因緣之事復聞諸佛有大自在神通之力得  
未曾有心淨踊躍卽從座起到於佛前頭面禮足却  
住一面瞻仰尊顏目不覩捨

聞智慧方便隨宜說法通領三周之說也又聞大  
記通領舍利弗等受記事也復聞因緣卽別領大  
通王子之事復聞神力別領導師神化之事罕聞  
故得未曾有惑除故心淨踊躍於是避座致恭而  
後申歎發誓

而作是念世尊甚奇特所爲希有隨順世間若干種  
性以方便知見而爲說法拔出衆生處處會著我等  
於佛功德言不能宣唯佛世尊能知我等深心本願  
前乃經家叙置此正滿慈之辭言奇特希有至處

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9 200

處會著總嘆三周說法也我等於佛功德言不能宣總歡授記乃至導師神化之德不能備宣也唯佛世尊已下申本願而誓護持也深心本願謂精進護持助宣佛法乃至過去未來助宣之事非謂願求記也

△二如來述成

爾時佛告諸比丘汝等見是富樓那彌多羅尼子我不常稱其於說法人中最爲第一亦常歡其種種功德精進護持助宣我法能於四衆示教利喜具足解釋佛之正法而大饒益同梵行者自捨如來無能盡其言論之辨

述成其深心本願也問衆見不者以衆等徒知滿慈之迹而不知其深行故開端以示之說法第一述其正行也種種功德述其衆行也精進護持述其本願也言論之辯述其才辨也

汝等勿謂富樓那但能護持助宣我法亦於過去九十億諸佛所護持助宣佛之正法於彼說法人中最第一又於諸佛所說空法明了通達得四無礙智常能審諦清淨說法無有疑惑具足菩薩神通之力隨其壽命常修梵行彼佛世人咸皆謂之實是聲聞

而富樓那以斯方便饒益無量百千衆生又化無量  
阿僧祇人令立阿耨多羅三藐三菩提爲淨佛土故  
常作佛事教化衆生

上總述此廣陳也舉九十億佛所卽廣陳護宣遠  
因也於佛空法明了通達者非若二乘滯於斷空  
也得四無礙清淨說法者如所如說不泥名相也  
菩薩神通非二乘比也隨其壽命言盡形壽也令  
立菩提者令於正道有立也爲淨佛土故化衆生  
者藉利他行成已行也故淨名云菩薩隨所化衆  
生而取佛土所謂淨佛土者自淨其心以致佛土  
之淨也爲淨佛土而必須教化衆生者要卽塵勞  
而能淨非若二乘厭塵勞以求淨也由是觀之其  
本乃大權聖人示現弘法耳故偈以內祕外現頌  
之

諸比丘富樓那亦於七佛說法人中而得第一今於  
我所說法人中亦爲第一於賢劫中當來諸佛說法  
人中亦復第一而皆護持助宣佛法亦於未來護持  
助宣無量無邊諸佛之法教化饒益無量衆生令立  
阿耨多羅三藐三菩提爲淨佛土故常勤精進教化  
衆生漸漸具足菩薩之道

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9 200

上陳遠因此舉三世皆明說法宣化之深行也七  
佛卽毗婆尸尸棄毗舍浮拘留孫拘那含迦葉釋  
迦是也上三屬前劫下四屬今劫三劫三千佛始  
於妙光佛末法出家修道聞五十三佛名深心仰  
慕復化他人滿三千衆深心敬禮卽超多劫生死  
之罪得證佛果其初千人於莊嚴劫成佛華光爲  
首至毗舍浮是也其次千人於賢劫成佛拘留孫  
爲首至樓至是也其後千人於星宿劫成佛日光  
爲首至須彌相是也

△三滿慈得記二 一正記

過無量阿僧祇劫當於此土得阿耨多羅三藐三菩  
提號曰法明如來應供正徧知明行足善逝世間解  
無上士調御丈夫天人師佛世尊

普滿慈旣於多佛植因之遠而猶過僧祇劫乃得菩  
提號法明者謂於無數劫量法門一時明達卽成  
佛道非如情見久遠劫也華嚴記發心菩薩過千  
不可說劫當得作佛號清淨心論謂明達如是劫  
量法門總清淨故正此意也餘記劫數深意並同  
其佛以恒河沙等三千大千世界爲一佛土七寶爲  
地地平如掌無有山陵溪澗溝壑七寶臺觀充滿其

170 1 2 3 4 5 6 7 8 9 10 11 12 13 14 15 16 17 18 19 20

中諸天宮殿近處虛空人天交接兩得相見無諸惡道亦無女人一切衆生皆以化生無有婬欲

此皆依報清淨之相由因中常修梵行廣化衆生令立正道故果地無邪穢之事而交接皆上善之人也

得大神通身出光明飛行自在志念堅固精進智慧普皆金色三十二相而自莊嚴

既以化生離諸欲染故本來體相淨妙若此如是妙體人固有之特爲麤濁欲惡染蔽而已故阿難曰欲氣麤濁腥臊交遘不能發生勝淨妙明紫金光聚苟斷欲愛不受胎生則本來體相無復染蔽通光莊嚴自能發現以世考之精華之氣或化列星吐納之人猶能輕舉則滓濁既盡妙體精明飛行自在無足疑矣

其國衆生常以二食一者法喜食二者禪悅食不由胎藏故不假段食唯食采法喜禪悅而已有無量阿僧祇千萬億那由他諸菩薩衆得大神通四無礙智善能教化衆生之類其聲聞衆筭數校計所不能知皆得具足六通三明及八解脫

上明國土人民此明同德法侶滿慈具足菩薩神

通之力得四無礙智審諦說法教化衆生明了通達故報緣法衆其德皆類

其佛國土有如是等無量功德莊嚴成就劫名寶明國名善淨其佛壽命無量阿僧祇劫法住甚久佛滅度後起七寶塔徧滿其國

結前也劫有法寶真明故名寶明國無女人惡道故名善淨由三世說法續佛壽命故佛壽無量法住甚久滅後起塔徧滿其國又以餘德散沾也

△二重頌三 初頌述成二 初述權應

爾時世尊欲重宣此義而說偈言

諸比丘諦聽 佛子所行道 善學方便故  
不可得思議 知衆樂小法 而畏於大智  
是故諸菩薩 作聲聞緣覺 以無數方便  
化諸衆生類 自說是聲聞 去佛道甚遠  
度脫無量衆 皆悉得成就 雖小欲懈怠  
漸當令作佛 內祕菩薩行 外現是聲聞  
少欲貪生死 實自淨佛土 示衆有三毒  
又現邪見相 我弟子如是 方便度衆生  
若我具足說 種種現化事 衆生聞是者  
心則懷疑惑

此通舉諸大弟子權應之德述成滿慈內祕外現  
之行也自善學方便至度無量衆悉得成就皆權  
應之德也小欲懈怠漸令作佛言善化也少欲厭  
生死則外現之事實自淨佛土則內祕之事示三  
毒現邪見等者諸大弟子權迹皆由示化彼類如  
舍利弗與羅度爭勝卽示瞋也難陀愛婦示貪也  
調達害佛示癡也是謂三毒惱陳如三迦葉等昔  
爲外道卽現邪見也其大權難測故聞者疑惑

△二述護法

今此富樓那 於昔千億佛 勸修所行道

宣護諸佛法 爲求無上慧 而於諸佛所  
現居弟子上 多聞有智慧 所說無所畏  
能令衆歡喜 未曾有疲倦 而以助佛事  
已度大神通 具四無礙智 知諸根利鈍  
常說清淨法 演暢如是義 教諸千億衆  
令住大乘法 而自淨佛土 未來亦供養  
無量無數佛 護助宣正法 亦自淨佛土  
常以諸方便 說法無所畏 度不可計衆  
成就一切智 供養諸如來 護持法寶藏  
通頌三世宣護之行也現居弟子上者謂於諸佛

所皆示現爲衆標領也度大神通言已超越小聖也

△二頌正記

其後得成佛 號名曰法明 其國名善淨

七寶所合成 劫名爲寶明

菩薩衆甚多

其數無量億 皆度大神通 威德力具足

充滿其國土 聲聞亦無數

三明八解脫

得四無礙智 以是等爲僧

其國諸衆生

婬欲皆已斷 純一變化生

具相莊嚴身

法喜禪悅食 更無餘食想

無有諸女人

亦無諸惡道

通頌劫國衆德文義同前以是等爲僧者言其國僧衆皆三明四智無凡流也

△三頌結前

富樓那比丘 功德悉成滿

當得斯淨土

賢聖衆甚多 如是無量事

我今但略說

△四千二百得記四 初請記

爾時千二百阿羅漢心自在者作是念我等歡喜得未曾有若世尊各見授記如餘大弟子者不亦快乎  
△二通許

170 1 2 3 4 5 6 7 8 9 10

撰述一  
五經傳義卷之二

明

佛知此等心之所念告摩訶迦葉是千二百阿羅漢我今當現前次第與授阿耨多羅三藐三菩提記十迦葉爲衆上首故告之

△三別授二 初記僧行

於此衆中我大弟子僧行陳如比丘當供養六萬二千億佛然後得成爲佛號曰普明如來應供正徧知明行足善逝世間解無上士調御丈夫天人師佛世尊僧行陳最初得度爲衆首故特記之號普明者偈云常放大光明一切之所敬又云常說無上道故號曰普明謂以智慧明破諸癡暗普使衆生明了法

性卽今住世應真之首也

△二記五百

其五百阿羅漢優樓頻螺迦葉伽耶迦葉那提迦葉迦留陀夷優陀夷阿菴樓駄離婆多劫賓那薄拘羅周陀莎伽陀等皆當得阿耨多羅三藐三菩提盡同一號名曰普明

五百威德具足爲千二之傑故又別記目連記末云我諸弟子威德具足其數五百卽此也餘七百衆但於前通許於頌通記優樓頻螺等卽序分所列羅漢上首詳略互舉也同號普明以德同故

110 1 2 3 4 5 6 7 8 9 10

110 1 2 3 4 5 6 7 8 9 10

170 1 2 3 4 5 6 7 8 9 100 1 2 3 4 5 6 7 8 9 100 1 2 3 4 5 6 7 8 9 100

△四重頌三 初頌記陳如

爾時世尊欲重宣此義而說偈言  
　　憍陳如比丘 當見無量佛  
　　乃成等正覺 常放大光明 具足諸神通  
　　名聞徧十方 一切之所敬 常說無上道  
　　故號爲普明

頌正報也常放大法光明普照迷暗也  
其國土清淨 菩薩皆勇猛 咸昇妙樓閣  
遊諸十方國 以無上供具 奉獻於諸佛  
作是供養已 心懷大歡喜 須臾還本國

有如是神力

法十百千萬劫無間斷

法十百千萬劫無間斷

頌化緣也

佛壽六萬劫 正法住倍壽 像法復倍是

△二頌記五百

法滅天人憂 其五百比丘 次第當作佛

同號曰普明

前法既滅天人失望則後佛繼出安隱天人

轉次而授記 我滅度之後 某甲當作佛  
其所化世間 亦如我今日

此詳記五百次第出興事也我滅度之後等乃五百轉次相授之辭以轉次不一不可定指故云某甲非謂釋迦指五百衆釋迦次補自當彌勒也  
國土之嚴淨 及諸神通力 菩薩聲聞衆  
正法及像法 壽命劫多少 皆如上所說  
五百依正之果皆如橋陳

△三通記餘衆

迦葉汝已知 五百自在者 餘諸聲聞衆  
亦當復如是

引五百之事而例記七百之衆通爲十二之記  
其不在此會 汝當爲宣說

令迦葉宣揚勝事以勉後進

△五五百自慶四 初陳情

爾時五百阿羅漢於佛前得授記已歡喜踊躍卽從座起到於佛前頭面禮足悔過自責世尊我等常作是念自謂已得究竟滅度今乃知之如無智者所以者何我等應得如來智慧而便自以小智爲足  
悔責者悔昔之失慶今之得也如來智慧卽一切種智我等應得而悔不早悟

△二設喻二 一喻昔因

170 1 2 3 4 5 6 7 8 9 10 11 12 13 14 15 16 17 18 19 20 21 22 23 24 25 26 27 28 29 30 31 32 33 34 35 36 37 38 39 40 41 42 43 44 45 46 47 48 49 50 51 52 53 54 55 56 57 58 59 60 61 62 63 64 65 66 67 68 69 70 71 72 73 74 75 76 77 78 79 80 81 82 83 84 85 86 87 88 89 90 91 92 93 94 95 96 97 98 99 100

世尊譬如有人至親友家醉酒而臥是時親友官事當行以無價寶珠繫其衣裏與之而去其人醉臥都不覺知起已遊行到於他國爲衣食故勤力求索甚大艱難若少有所得便以爲足

親友繫珠譬佛預十六菩薩時爲說法華結大乘因也醉酒而臥譬我預千萬億衆時皆生疑惑昏昏如醉也官事當行卽佛化將畢餘處利生公而不黨故譬官事起已遊行轉迷也到於他國弃本也爲衣食等樂小也

△二喻今緣

於後親友會遇見之而作是言咄哉丈夫何爲衣食乃至如是我昔欲令汝得安樂五欲自恣於某年日月以無價寶珠繫汝衣裏今故現在而汝不知勤苦憂惱以求自活甚爲癡也汝今可以此寶貿易所湏常可如意無所乏短

親友會遇譬今復值佛咄叱警戒譬呵小進大言丈夫者指大乘種性而警進之也餘意如下合顯貿易所湏譬卽性發揮當得大利也以時物遷貨曰貿以有易無曰易

△三合顯二 一合昔因

佛亦如是爲菩薩時教化我等令發一切智心而尋  
廢忘不知不覺既得阿羅漢道自謂滅度資生艱難  
得少爲足一切智願猶在不失

令發智心而廢忘不覺如繫珠醉臥也既得羅漢  
而未離法縛是資生艱難也智願不失如衣珠現  
在

△二合今緣

今者世尊覺悟我等作如是言諸比丘汝等所得非  
究竟滅我久令汝等種佛善根以方便故示涅槃相  
而汝謂爲實得滅度

合咄叱警戒也

世尊我今乃知實是菩薩得受阿耨多羅三藐三菩提  
記以是因緣甚大歡喜得未曾有

合貨寶如意也

△四重頌四 初頌陳情

爾時阿若憍陳如等欲重宣此義而說偈言

我等聞無上 安隱受記聲 歡喜得未曾有  
禮無量智佛 今於世尊前 自悔諸過咎  
於無量佛寶 得少涅槃分 如無智愚人  
便自以爲足

頌得記歡喜悔過自責也

△二頌設喻二 初頌喻昔因

譬如貧窮人 往至親友家 其家甚大富

具設諸肴饍 以無價寶珠 繫著內衣裏

默與而捨去 時臥不覺知 是人旣已起

遊行詣他國 求衣食自濟 資生甚艱難

得少便爲足 更不願好者 不覺內衣裏

有無價寶珠

△二頌喻今緣

與珠之親友 後見此貧人 苦切責之已

示以所繫珠 貧人見此珠 其心大歡喜

富者諸財物 五慾而自恣

△三頌合顯二 初頌合昔因

我等亦如是 世尊於長夜 常愍見教化

令種無上願 我等無智故 不覺亦不知

得少涅槃分 自足不求餘

△二頌合今緣

今佛覺悟我 言非實滅度 得佛無上慧

爾乃爲真滅

△四頌總慶

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

我今從佛聞 受記莊嚴事 及轉次受決  
身心徧歡喜

以記爲決謂決定道果也

妙法蓮華經授學無學人記品第九

△二有學衆得記二 初畧叙科名

此記小聲聞衆也舊說裂此爲二謂學與無學然無學卽羅漢已在十二之記不當重列此卽學於無學小聲聞而已研真斷惑名學真窮惑盡名無學此未得無學而亦預佛記者若有聞法者無一不成佛故也

△二依科釋文二 初請佛授記二 初二師請

記

爾時阿難羅睺羅而作是念我等每自思惟設得授記不亦快乎卽從座起到於佛前頭面禮足俱白佛言世尊我等於此亦應有分唯有如來我等所歸又我等爲一切世間天人阿修羅所見知識阿難常爲侍者護持法藏羅睺羅是佛之子若佛見授阿耨多羅三藐三菩提記者我願旣滿衆望亦足

阿難多聞護持法藏羅云密行皆大弟子而與學衆同授記者示彼亦內祕外現密行之儕也觀學

接述

妙法蓮華經卷四

衆記云當供微塵數佛護持法藏卽與阿難羅云  
同德故以二師總之阿難羅云親邇於佛旣爲衆  
所見知若不得記則無塞衆望也菩薩爲通達佛  
道無所不現故淨名佛道品以法喜爲妻慈悲爲  
女誠善爲男而釋迦所以有耶輸羅云皆爲示現  
非同世俗妻子也

△二學衆請記

爾時學無學聲聞弟子二千人皆從座起偏袒右肩  
到於佛前一心合掌瞻仰世尊如阿難羅睺羅所願  
住立一面

△二大衆得記七 一阿難得記

爾時佛告阿難汝於來世當得作佛號山海慧自在  
通王如來應供正徧知明行足善逝世間解無上士  
調御丈夫天人師佛世尊當供養六十二億諸佛護  
持法藏然後得阿耨多羅三藐三菩提

山海慧自在通王者高莫逾於山深莫浚於海阿  
難宿持法藏多聞博達智慧等之於諸法中得大  
通達自在如王故得果以因爲號當供多佛護持  
法藏然後成佛蓋其本願也

教化二十千萬億恒河沙諸菩薩等令成阿耨多羅

170 1 2 3 4 5 6 7 8 9 10 11 12 13 14 15 16 17 18 19 20 21 22 23 24 25 26 27 28 29 30

撰述

妙法蓮華經解卷之二

七

明  
印  
十

三藐三菩提國名常立勝幢其土清淨琉璃爲地劫名妙音徧滿

阿難當來作成如此其多者爲宿持法藏化緣深故幡表尊勝之德阿難多聞第一故國名常立勝幡宣傳法藏故劫名妙音徧滿爲由法音宣流也其佛壽命無量千萬億阿僧祇劫若人於千萬億無量阿僧祇劫中筭數校計不能得知正法住世倍於壽命像法住世復倍正法

佛壽無量劫而正像之法又復倍倍者由其宣傳法藏因力綿遠也問壽劫之說悠然不窮何所據聖人離死生至道無代謝則雖倍倍之劫未足盡其靈長矣

阿難是山海慧自在通王佛爲十方無量千萬億恒河沙等諸佛如來所共讚歎稱其功德

爲其護持法藏報得殊勝名聞十方故爾時世尊欲重宣此義而說偈言

我今僧中說 阿難持法者 當供養諸佛然後成正覺 號曰山海慧 自在通王佛

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9 200

其國土清淨 名常立勝幡 教化諸菩薩  
 其數如恒沙 佛有大威德 名聞滿十方  
 壽命無有量 以愍衆生故 正法倍壽命  
 像法復倍是 如恒河沙等 無數諸衆生  
 於此佛法中 種佛道因緣

頌文大意同前佛有大威德名聞滿十方頌諸佛  
 共歎也壽命無有量以愍衆生故非徒羨人生也  
 衆生於法中種佛道因緣者能持法藏故羣類資  
 焉

△二初心生疑

爾時會中新發意菩薩八千人咸作是念我等尚不  
 聞諸大菩薩得如是記有何因緣而諸聲聞得如是  
 決

阿難果號劫國教化作成等事特異衆記初心不  
 知遠因故疑其何緣而得

△三佛爲決疑

爾時世尊知諸菩薩心之所念而告之曰諸善男子  
 我與阿難等於空王佛所同時發阿耨多羅三藐三  
 菩提心阿難常樂多聞我常勤精進是故我已得成  
 阿耨多羅三藐三菩提而阿難護持我法亦護將來

諸佛法藏教化成就諸菩薩衆其本願如是故獲斯記

此告其遠因以同佛發心功深願廣宜得是記也  
校其遠因則功已齊佛但彼願護持法藏故常樂  
多聞佛願成道利生故常勤精進由是佛已成道  
而阿難尚湏護法教化然後成佛蓋其本願如是  
非由根智勝劣而有先後也俱舍論說空王佛乃  
釋迦三僧祇劫中間所逢之佛

△四阿難獲益

阿難面於佛前自聞授記及國土莊嚴所願具足心

大歡喜得未曾有卽時憶念過去無量千萬億諸佛  
法藏通達無礙如今所聞亦識本願

卽時憶念等者因佛與記又叙往因於是得法性  
覺自在三昧能憶過佛法藏又識本昔願持之因  
也

爾時阿難而說偈言

世尊甚希有 令我念過去 無量諸佛法  
如今日所聞 我今無復疑 安住於佛道  
方便爲侍者 護持諸佛法

謝記自勵也旣識本願所以無疑而益勤方便

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9 200

## △五羅云得記

爾時佛告羅睺羅汝於來世當得作佛號蹈七寶華如來應供正徧知明行足善逝世間解無上士調御丈夫天人師佛世尊當供養十世界微塵等數諸佛如來常爲諸佛而作長子猶如今也

蹈七寶花乃妙淨密行之應也作長子者常以密行繼續佛道也如華嚴以普賢爲長子亦表大行能建佛家法也蓋弘道以德行爲尚故儒門四科亦先德行

是蹈七寶華佛國土莊嚴壽命劫數所化弟子正法像法亦如山海慧自在通王如來無異亦爲此佛而作長子過是已後當得阿耨多羅三藐三菩提多聞密行常相資故羅云國劫正像之果並同阿難而當來亦爲阿難長子

爾時世尊欲重宣此義而說偈言

我爲太子時 羅睺爲長子 我今成佛道受法爲法子 於未來世中 見無量億佛皆爲其長子 一心求佛道 羅睺羅密行唯我能知之 現爲我長子 以示諸衆生無量億千萬 功德不可數 安住於佛法

170 1 2 3 4 5 6 7 8 9 100 1 2 3 4 5 6 7 8 9 100 1 2 3 4 5 6 7 8 9 100 1 2 3 4 5 6 7 8 9 100

以求無上道

記羅云繼續佛道綿綿不絕也隱大權之跡而示現爲佛子功德不可數唯佛能知之是謂密行也

△六二千得記

爾時世尊見學無學二千人其意柔軟寂然清淨一心觀佛佛告阿難汝見是學無學二千人不唯然已見阿難是諸人等當供養五十世界微塵數諸佛如來恭敬尊重護持法藏末後同時於十方國各得成佛皆同一號名曰寶相如來應供正徧知明行足善逝世間解無上士調御丈夫天人師佛世尊

此亦昔日所化故今與記其意柔軟謂根機已熟問其見不默示昔因也而阿難多聞博達固已默知二千果號皆同以因同也了學無學卽證實相是謂寶相

壽命一劫國土莊嚴聲聞菩薩正法像法皆悉同等言一千同時成佛依報法化皆同

爾時世尊欲重宣此義而說偈言

是二千聲聞 今於我前住 悉皆與授記  
未來當成佛 所供養諸佛 如上說塵數  
護持其法藏 後當成正覺 各於十方國

悉同一名號 俱時坐道場 以證無上慧  
皆名爲寶相 國土及弟子 正法與像法  
悉等無有異 咸以諸神通 度十方衆生  
名聞普周徧 漸入於涅槃

佛然也

△七學衆讚謝

爾時學無學二千人聞佛授記歡喜踊躍而說偈言  
世尊慧燈明 我聞授記音 心歡喜充滿  
如甘露見灌

慧燈明讚也聞記歡喜謝也

妙灝蓮華經解卷第四之一

音切

淳

壯里切

叱

昌栗切

浚

恩閏切

睫

式涉切



禮部祠祭司郎中泰州陳應芳 趙村堂比丘遠  
忠寧武關居士劉世充共施賈刻此  
妙灝蓮華經解卷第四之一 嘉興沙彌道稱對  
貞州趙之昂書 江寧張時才刻  
萬曆辛卯春五臺山妙德庵主

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9 200

長  
文  
獻  
卷  
之  
一  
藝  
文  
獻  
卷  
之  
一



今本

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9 200